

IKULEMEKA

...kusikila buyo kainda cindi Ne kazwa mu cibbadela, nkabela Nda kabaanga ndacisiya mu maanza aa Mwami, kuti ikuti—ikuti...mukuziba kuti Nda anga jwi aniini, nkaambo Ndi cisidwe ntuntumaanzu. Pele Nda kayeeya ikuti na Nda...ikuti na baama bakali kabotu loko cakuti Nda kali kukonzya kusika, baa, inga Nda selemekila alubo ku kuswaya a ndinywe. Nkaambo, cindi Nda bona umwi mbuli baama kabalede alyा, a kuziba kuti aba bamatumbu bamwi a bamatata awa, nkokuti toonse tweelede kuboola ku busena obo, nywebo mwabona, a kuyeeya obo Mbwe lumbide kuti uli libambilide kuunka.

² Elyo mpawo, a cintu cimbi Nce yanda kutondezya ku mbungano. Nda syoma Nda bona Mucizi Wilson kusule okuya. Elyo—elyo mpawo ngooyo Mucizi a Mukwesu Sothmann awa abusena bumwi, antela, mu buyake. Elyo—elyo bunji bwamu okuno nomwa kali kupa lugwasyo lwanu lwa kukkala a baama masiku, a zintu mbuli ezyo, ezyo zisyomeka kapati. Elyo Nda lumba koonse oko nko mwakacita. Nincobeni, mukwasyi ulazakala, nywebo mulizi, tu kkala busiku abumwi. Elyo ndyoonya lino, bunji bwabo balabeleka, aboobo ngu Meda a Ndime, na—na Delores, alimwi ujisi bana mu cikolo, alimwi cibaanga cicibamba kuyumu ku caabaula akati kesu tobasyoonto munzila eyo, alimwi mujana kukatala buyo. To konzyi buyo kuunka, alimwi to konzyi kuziba isikati kuzwa masiku, nokuceya, kapati cindi wasika atala kutandila bukkalo obo Meda a Ndime mbo tubede, nywebo mulizi, ta ci—ta citoli masiku manji loko ku kusamina cindi wano jisi musela muniimi ali nduwe.

³ Aboobo, Nda kali kuyeeya kuti Nda kali kukonzya buyo ku cibikka isikati a masiku. Nda kali kunga ndazwa ku California mu Ford yangu yakaindi ya T-modelo, elyo Nda kali kunga ndamvwa ng'onzi niini mu mugwagwa, kundi tola kutandila mazuba one na osanwe, ndiza mazuba ali ciloba, ku cibamba. Elyo Nda kali kunga ndeenda ambali, isikati a masiku. Elyo Nda kali kunga nda katala aniini, kuwaala ngubo yangu kunsi lya mootokala, kweenzya aa nkwaalale, koona kwa maora akubwene a kuzumanana. Nda kacinca kuzwa eelyo, Mukwesu Neville. Nda mvwisya buyo kuti Nda kainda myaka ili makumi obilo ayosanwe yakukomena, mwabona.

⁴ Elyo aboobo ncoolwe i—i kuba kokuno ku ng'anda ya Mwami sunumasiku. Elyo cifumo cino Nda jisi bulembu busyoonto—buniini awa obo Mbwe kali kuyanda ku...Inga nda...Mwami wandipa. Elyo Nda yeeya ndiza kuti cifumo cino, ikuti na Ndi jisi ciindi ceelede, inga Nda cikanana Nke tana kuba a mupailo

wa baciswa. Pele mukuba kuti twa mukide mu mibuzyo cifumo cino, Nda yeeya kuti ambweni, ikuti na baama bali kabotu, mpawo ndiza inga caba citondezyo cakuti Nde elede kuboola kunselelo alubo sunumasiku, ndiza, elyo inga waamba kaindi kaniini sunumasiku ikuti na tii caka nyonganya mabambe aa Mukwesu Neville kubusena bumwi.

⁵ Elyo nkeimvvi mu kaanda Nda kajisi buyo bumboni bubotu kapati bwa kapegwa kuli ndime, kujatikizya mucizi Munakristo uuli andiswe sunumasiku. Waa kali mu mundando wa mipailo cifumo cino, nkabela waa komba, kwiiminina muntuumwi umbi. Elyo mu kaanda kakwe, kaanda kasiya, kuli *I—I Cilalilo ca Mwami, I Cilalilo Camamanino ca Mwami*. Elyo cili boobo zuba tali konzyi kuuma kaanda mu busena buli boonse. Elyo kuciindi aa thrii okuloko masikati aya, oyu Mubalo wa Mumuni waka bonwa awa cindi twa kumanizya kukambauka aa Makkalo aa Mbungano, buyo mukati mbuli mubala wa fulicoongo, mbuli, kaboola mpoonya aatala lya mutwe wa Mwami Jesu. Ee, waa Kau langilila ziindi zisyoonto. Elyo waa kaunka a kumwaambilia mucizi wakwe, nzila Mbwe mvwisya kaano, elyo—elyo bala boola akugambwa kuli Ndilyo kwa ciindi cilamfu, oora na cintucimwi. Elyo mpawo baka tumina simukobo, mukutausi, oyo wakali Mukwesu Stricker okuno, kubona cikankamanisyo ca Neico. Elyo baka kkala a ku Ci langilila, kuyabuya mane faivi na cintucimwi mbuli ceeco. Elyo mukutausi waka lombwa kukomba, nkabela wa kalimvwa kuti takali kukonzya buyo kukomba, na cintucimwi.

⁶ Mu ii—ii aniini, muntuumwi wakapa mulumbe, (alimwi bakali kupa bupanduluzi bwabo bwa ceeco nco cakali kwaamba), elyo mulumbe waka jokela, kwiinda mu kukanana mu mulumbe, alimwi bakati baka ciimpya “kucipandulula,” tii baka kacipa kabotu. Ndi yeeya kuti mbo mbubo, embo na, Mucizi Bruce? Tii baka cipa kabotu. Kati obo citondezyo mbo cakabede, cakali kutondezya kuli mbabo, mbuli kulumba kwabo, kuti bakasyoma Mulumbe oyo uunka awa kuzwa ku cikombelo, mbuli boobo. Elyo kati bayo bona zintu zipati kwiinda zeezi kicitika, kuti bayo bona abalo Baangelo kabaseluka, a kuseluka a kutanta.

⁷ Aboobo tu pona mu mazuba akumamanino, alimwi tuli munsi lya ciindi camamanino. Elyo Ndi...Eci cimvwika, inga calimvwisya kuyoosya ku bantu bamwi, pele ku Banakristo, Ndili kkomene kuti tuli waano. Ndili—Ndili kkomene kuti tuli ku mamanino.

⁸ Nda kati mu muswaangano lomwe. Elyo muntu kaambaula kuli ndime, kati, “Ino upandulula nzi? Yebo waamba kuti inga wabotelwa kubona mamanino aa inyika aboola?”

Nda kati, “Oh, iifyi, munene!” Nda kati, “Masimpe!”

⁹ Kati, “Ee, eco tacimvwiki kabotu, kufumbwa muntu inga wayanda mamanino aa nyika kuboola.”

¹⁰ Nda kati, “Ku mamanino aa inyika, ciindi, Jesu nakasika, alimwi Ngo Nguwe Ngwe yanda kubona.” Elyo Nda kati, “I Bbaibbele lya kaamba kuti, ‘Boonse abo bayanda kulibonya Kwakwe!’ Mwabona?”

¹¹ Elyo nkuyanda kuziba kuti, kuti ezi zintu zyakaindi awa, zya buumi, ziyo mana bumwi bwa mazuba aya, alimwi tuyo—tuyo Mu bona.

¹² Pele ciindi cimwi cakainda, kwa kaambwa kunselelo mu i... Oh, myaka minji yakainda, cindi niba kajisi bazike. Elyo kwakali i—i mudaala uusiya oyo wakali... kali kuba a kwiimba kwa mbungano yakaindi, kwiimba kwa cisi. Bakali kunga baba antoomwe alimwi bakali kunga bala kutauka akati ka bazike, a kukambauka, nywebo mulizi, alimwi bakali kunga baba a muswaangano. Elyo busiku bumwi kwakali mulombwana mudaala okuya waka futulwa. Elyo cindi na kafutulwa, wa kalizi kuti wakali angulukide mpawo. Aboobo wa katalika kwaambila bazike bambi, cifumo cakacilila, ku mpulazi ya masamu, wa kati, “Nda anguluka.”

¹³ Aboobo simalela wakwe wakasika okuya a kumu kwelela mukati, wa kati, “Lino, langisya awa, Sam.” Kati, “Ncinzi eci Nce mvwa kowaamba akati ka bazike, kuti uli angulukide?”

¹⁴ Wa kati, “Iiyi, simalela.” Kati, “Obo mbwini.” Kati, “Ku muswaangano masiku aindu, Nda kaangululwa kuzwa ku mulao wa cibi a lufu.” Nee ncico. Nee ncico.

¹⁵ I mulao wa cibi a lufu, Nda kaangululwa kuli ncico. Wa kaangwa lomwe okuya, nywebo mwabona, pele lino uli angulukide kuzwa kuli ceeeo. Mwabona? Mboli mbo Nda amba cifumo cino, lufu lukkala buyo mu cibi. Cibi a lufu zili kozyenye, mwabona. Pele cindi watantamuka kuzwa ku cibi, uli tantamukide kuzwa ku lufu; pele kuciindi noli mu cibi, uli mu lufu. Mwabona? Elyo nkikaako cindi waangululwa kuzwa ku mulao wa cibi a lufu, uli cilenge cipywa muli Kristo Jesu, elyo mpawo uli angulukide.

¹⁶ Elyo simalela wakwe wakati kuli nguwe, kati, “Sam, sa upandulula obo ncobeni?”

¹⁷ Wa kaamba, “Iiyi, munene.” Elyo kati, “I Mwami waka ndiita masiku aindu ku kwaambaula ku bantu bangu, a kukanana kuli mbabo, kuti bala konzya kwaanguluka kuzwa ku mulao wa cibi a lufu. Nekubakuti tuli bazike, nekubaboobo inga twa anguluka kuzwa ku mulao wa cibi a lufu.”

Wa kati, “Sam, sa waamba ncobeni obo?”

¹⁸ Wa kati, “Simalela, Ta ndizi eco ncoya kucita a ndime Nda mana kwaamba ceeci, pele Ndi—Ndi mwaambila, Ndi muntu

waangulukide.” Wa kati, “Nda anguluka kuzwa ku mulao wa cibi a lufu.”

¹⁹ Elyo wa kati, “Sam, Ndili Munakristo, ambebo, nywebo mulizi. Elyo nkaambo kakuti ujisi... Leza waka kwaangulula kuzwa ku cibi a lufu, nkabela uli Munakristo, elyo ulimvwa kuti uyanda kwaambila babunyoko kujatikizya ncico, Ndi inka kunselelo cifumo cino a ku mwaangulula, a kusaina kwaambilizya kwamulao. Elyo inga waba muntu waangulukide, kutali kwaangwa a muntu uuli oonse, kukambauka Makanimabotu ku bakwesu banu.”

²⁰ Wa kati mulombwana mudaala waka kambaukila myaka minji, minji minji. Elyo ciindi cimwi mpawo, kumane, mbuli toonse swebo mbo tucita, twa selemukila ku mamanino aa lweendo lwesu. Elyo cindi twa boola ku mamanino aa lwesu... lweendo lwakwe, cindi na kacita, wa kaseluka. Elyo wa kalala cakuwizuka, ba kati, nkambo ndiza, oh, maora masyoonto. Elyo bunji bwa babunyina bakwe bakuwa bakasika kuzo muswaya. Elyo mpaawo kwakacitika kuba nkamu ya mbabo mu buyake cindi na kasinsimuka, kaboola kuli lwakwe. Wa kalanga koonse, wa kati, “Sena waamba kuti Nse na sika okuya?”

Elyo ba kati, “Sam, wali koona.”

²¹ Wa kati, “Peepe.” Wa kati, “Nse kali koona.” Kati, “Nda kali ku lubazu lumbi.”

²² Baa, ba kati, bakwesu bakutausi bakati, “Sam, twaambile eco neco kabona ku lubazu lumbi.”

²³ Kati, “Ee,” wa kati, “Nda kanjila mu mulyango mupati wa ngale,” a kuti, “cindi Ne kanjila omuya,” kati, “Nda kabona Cuuno cabwami, nkabela Nda ka Mu bona.” Elyo kati, “Kutala kwa kaboola Angelo, Wa kati, ‘Sena nduwe Sam?’”

Wa kati, “Ndime.”

²⁴ Kati, “Sam,” kati, “nceeci ii–ii cikobela a musyini.” Kati, “Wa kawina eyi, Sam, kwiinda ku milimo mipati eyo njo kacita aa nyika.”

²⁵ Wa kati, “Uta ambauli kuli ndime kujatikizya cikobela a musyini wa bulumbu.”

Wa kati, “Ino uyanda nzi bulumbu?”

Kati, “Andi Mu lange buyo kwa myaka ili cuulu.”

²⁶ Ndi yeeya kuti toonse tula mvwa nzila eyo, embo na? Nse—Nse yandi zikobela a musyini a mapalesi, Ndi yanda buyo ku Mu langa. Ndi yanda buyo ku Mu langa. Elyo buyo, nywebo mulizi, sa inga toyanda buyo—Ndi yanda kujatilila janza lyako kuciindi Ne cicita, Mukwesu Neville. Inga twa cicita antoomwe, kwaamba, “Ko ciyeeya, Mukwesu Neville, obo mbo twa kakkala mu cikombelo, kupya a kutontola, a zintu. Pele amulangisye awa

eco nco tu langa, Mwana wa Leza muumi.” Sa inga eco tii caba cibotu, kulanga buyo a kubona bupange Bwakwe!

²⁷ Mebo, ziindi zyobilo mu buumi bwangu lino, ziindi zyotatwe, Nda ka Mu bona mu cilengaano. Wa kaboneka mbubonya ciindi aciindi. Pele takukwe muna arti mu inyika ukonzya kusola kupenta cifwanikiso Cakwe. Inga ba penta cintucimwi eco cinga caboneka mbuli Nguwe. Pele Wa kaboneka mbuli, kuli ndime, Uyo oba Muntu ikuti na Uyo kanana inyika kuti iyo boola ku mamanino, elyo nekubaboobo mubotu a siluyando loko, kuti takukwe buyo... kuli bube bunji loko alya obo bbulasho yamuna aarti njo konzya kusola kuguma. Elyo masimpe Ndi yanda ku Mu bona buzuba bumwi, mu Muntu.

²⁸ Elyo kanji Nda kayeeya, cindi, Ne kayanda ku Mu mvwa cindi Na katambika maanza ayo mayandisi a kuti, “Amuboole kuli Ndime.” Amubone kukatala oko, akudekela amu Mu lange, cindi Na kakatede a kudekela kuzwa mu lweendo Lwakwe, kwaamba, “Amuboole kuli Ndime, nyoonse nomu minidwe, mikuli, Njo mupa kulyookezya. Kobweza jokwe Lyangu aali nduwe, a kwiiya Ndime, nkambo Ndili mubombe a mutete.” Ndi yanda ku Mu mvwa kaamba ceeco. Nse kaliko mu buzuba obo. Nse kaimvwi a Petro, Jakobo, a Johane. Pele Nda syoma Ndi imvwi munsi lyabo mu buzuba cindi Nda konzya ku Mu mvwa kati, “Kwa kacitwa kabotu, omulanda Wangu mubotu uusyomeka, lino njila mu lutangalo lwa Mwami.”

²⁹ Elyo kuyeeya kuti bamwi mbabonya bakalemba Bbaibbele eli, Paulo, Isaya, Jeremiya, a boonse baapostolo, elyo abo bakwesu bayandisi, kufumbwa oko nkoba bede lino, kufumbwa oko nkoba bede lino... I Leza nguonya wakabeleka a mbabo, kubona zintu ziciza aku Zi lemba, azimwi zimbi, aku bapa zipego zya Bbaibbele, i cisinsime a kukanana mu myaambo, a zitondezyo a zigambyo, azimwi zimbi. Balo bantu mbabonya, kufumbwa oko nkobabede lino, tuyu oba ambabo. I Leza nguonya a cintu nciconya. Ta kuli “kuyeeyela obo” limbi, tuli cizi lino, mwabona, nkaambo Walo nkwalni ncobeni alimwi tu lizi kuti cili boobo. Aboobo sa ta tweelede kuba bantu bakkomene loko aa nyika? Ino, ino nkunji buti kwiinda mbo tukonzya kusukamina?

³⁰ Ndali kwaambaula masikati aya ku mwaalumi wamusela, kutandila, Ndi yeeya kuti wa kati wa kali myaka ili makumi ali lusele alusele na makumi ali lusele afuka yakukomena, oyo wakali buyo Munakristo cainoinoino. Nda kamu bbizya mu Zina lya Jesu Kristo, cindi nata kajisi cintu pele nsuuti yakwe ya Munsono ya lyoonse. Nda kamutola omuno mu maanzi. Ndi yeeya kuti Mukwesu Wood waka mulekela kuba bulukwe na cintucimwi, nkabela twa kamubbizya okuno mu maanzi. Elyo wa kandaambila, cindi na kali mulombe... Mubwini muntu muvubi lino. Elyo walo, cindi na kali mulombe, wa kati obo mbwa kali kubelekela madollar ali makumi otatwe mu mweezi. Taakwe naka kwata na kufumbwa cintu kusikila wakali mudaala.

Elyo wa kati obo mbwa kasukamina ciindi eco nakali kuyo cembaala natakali kulombelela a kulala mu kagwagwa. Obo mbwa kabweza maseenti osanwe masyoonto a zintu ezyo nzya kafutula, aku bacitya kubeleka, nkabela bakabelaka ncobeni a kuvuzya. Alimwi panga... Elyo lino ngooyo mbwabede lino, ku myaka ili makumi ali lusele aimwi yakukomena, makumi ali lusele alusele na makumi ali lusele afuka, Ndi yeeya kuti wa kati, kutandila ku nainte nconzyo, kacibela buya, uli kkede alya mu cikombelo cifumo cino. Elyo mpawo uli bambidwe bweelede mane ta keeleli kulibiliaka. Ikuti na wapona myaka imbi ili mwaanda, inga nataka pengaana cindi caboola ku zyamali a zimwi zimbi mbuli ezyo. Moyo mubotu, musalali mubotu, mukwesu, ulacita zintu zyoonse ku Banakristo, a zintu ezyo nzyazi nzila ya kucita.

³¹ Elyo mpawo Nda kati, “Elyo kwiinda zyoonse ezyo, mukwesu wangu muyandisi, cindi nokali myaka ili makumi ali lusele alusele na makumi ali lusele aciloba yakukomena, Leza, mu luse Lwakwe, waka tambikizya a kukupa Buumi Butamani ku Muunzi Wakujulu.” Ino inga wayanda nzi kumbi kuzunguluka buumi? Iiyi, munene.

³² Alimwi bonse buvubi mbo tukonzya kujana kunji, zyonse zintu nzo tukonzya kucita aa nyika, takukwe makani mbo babede, eco muntu nea kacita, weelede kufwa a kusiya kabeela koonse ka ncico.

Teemuzyi buvubi obu bwanyika eyi bwabuyo,
Obo buyabaala cakufwambaana,
Yaka bulangizi bwako aa zintu Zitamani,
Ta zika lob!

³³ Mbo mbubo. *Jatilila Ku Janza lya Leza Litacinci*. Nda luyanda olo lwimbo. Twa kali kwiimba boobo okuno ku cikombelo kunji loko.

Ciindi cizwide kucinca kufwamba,
Taakwe camu nyika citazunganisigwa
cikonzya kwimma,
Yaka bulangizi bwako aa zintu Zitamani,
Jatilila janza lya Leza litacinci!

³⁴ Mpawo kubikkidwe baama bacembele kubusena okuya sunumasiku. Ikuti ni Nda kajisi madollar ali mamilioni ali mwaanda, inga Nda pa kkobili lyoonse lya ndilyo ku kwaambaula kuli nguwe mu oora. Inga ndacita. Masimpe. Elyo ino kuti waa kajisi madollar ali mamilioni ali mwaanda, ino mbubotu nzi mbo cakalino mugwasya lino? Taakwe, mwabona. Zyalo zintu nzya jisi, ta siyi lubono lwanyika. Pele, waa siya ceeci, uli zyi Mwami Jesu mbuli Mufutuli wakwe. Eco nce cintu cipati.

³⁵ Mu busyu bwa ceeci Ndi... Toonse atu lingaanye lwesu sunumasiku. Atu yeeye buyo katutana kuya ku mupailo,

“Mbobuti kwiima kwangu—kwangu sunu masiku a Leza?” Atu lingule mu myoyo yesu a kuziba. “Mwami, ikuti na Nda yasa buntu buli boonse sunu, ikuti na Nda citya cituta comwe ku kusweeka, kufumbwa Nce kacita na kwaamba kuti eco cakali lubide, O Leza, kondi jatila nkambo ka ncico.” Mwabona? Lekela . . .

Lusyomo lwangu lulanga kuli Nduwe,
 Yebo Kabelele wa Kalivari,
 Mufutuli Wabuleza;
 Lino kondimvwa kuciindi ne Ndi komba,
 Kogwisya bubi bwangu boonse,
 Elyo ndilekele kuzwida buzuba obuno
 Kuba Wako cakumaninina!

Kuciindi Ne enda mu buumi bwabube
 bwatuzila twa musinze,
 Elyo mafwabi kandi bungilide,
 Koba Nduwe Mweenzyi wangu;
 Lailila mudima kuba isikati,
 buno kuba Wako kumaninina,
 Tandi lekeli kusola kuleya
 Kuzwa kuli Nduwe kumbali.

³⁶ Kondi bamba mu kazila, Mwami. Kondi bamba akati ka luyando Lwako. Nobana na bapati, ta tuzi obo mbo mukonzya kuba bapati, elyo nekubabobo inga waba myaka ili makumi ali lusele yakukomena, alimwi ikuti na wakapona kusikila kuseeni, myo pona kwiinda mulombe a musimbi wa myaka minji ili kkumi acisambomwe yakukomena. Kuyooba mulombe a musimbi wa myaka minji ili kkumi acisambomwe yakukomena kuyo swaana Leza kakutana kuca cifumo. Mbo mbubo. Aboobo kukomena taku jisi cintu cakucita a mbubo. I cintu ca ncico ngu, sa uli libambilide ku Mu swaana? Eco nce cintu cipati.

³⁷ Atu yeeye aa zintu ezi lino kuciindi notu komba, mbuli mbo tukotamika mitwe yesu.

³⁸ O Taata Siluzyalo a Uusalala a Sibulemu wa Buumi, twa boola mu Busyu Bwako, Leza Singuzuzyonse, kupa kulumba kuzwa kunsi lya moyo wesu, kuti tu jisi coolwe ca kukkala awa sunumasiku. Keenda kumbele a kunselelo lya cibbadela eco kaindi kainda, a kulanga mukati maya, a bantu abo baka wizukide, bamwi babao kabazwa malowa a kulila, a bambi kabanyongene a kubula mu malo, O Leza, Nda komba kuti umwi aumwi wabo uli libambilide, Taata, kuti bayo libambilila ku Ku swaana ikuti na ba citika kuzwa mu buumi obu. Elyo kuyeeya, Mwami, kuti eco inga caba ndiswe, umwi aumwi wesu awa, ikuti na tii cakali ca luzyalo Lwako. Pele Wa tulekela kupona kuboola antoomwe alubo sunumasiku, kuba akulibambilila. Ezyo zintu zilainda mu myoyo a mizeezo yesu lino, Mwami. Elyo kuciindi Wano lingula zyamba zya myoyo yesu, ikuti na kuli

cintu citasalali cili coonse kujatikizya ndiswe, Mwami, cigosye, Taata. Leza, salazya buntu bwesu kuli Nduwe.

³⁹ Twa Ku lumba kuli zyoonse Nzo kacita a kuli ceeco neo tutsyoma kuti Uyo cita. Elyo ku Mumuni oyo kaulibonya sunu kumusanza okuya mu ng'anda ya Mucizi Bruce, Nda Ku lumba kuli ceeco, Mwami, Ciyo bapa nsana.

⁴⁰ Elyo lino, Mwami, Nda komba kuti Uyo pa sunumasiku kuti buntu bwesu bukazumanane kukatulukwa mu Busyu Bwako omuno mu cikombelo eci. Twa Ku lumba, Taata, ku cikombelo eci. Twa Ku lumba ku mweembeli wayo okuno, Mukwesu wesi Neville, muntu wa bubombe, muntu wa bululami, muntu uuzwide luyandisylo lwa Leza lwa Kristo a Mbungano Yakwe. Nda komba kuti Uyo mulongezya, a mulongwe wakwe, muniini mubotu, a bana bakwe. Elyo, Mwami, akube kuti ba kkale kwa ciindi akati kesu awa aa nyika. Ko cipa. Kotantamuna malwazi kuzwa ku mulyango wabo, akuba bamba kuba anseba mbotu. Kotantamuna malwazi kuzwa ku milyango yesu yoonse, Mwami, kotubamba kuba anseba mbotu kutegwa tu Ku belekele.

⁴¹ Elyo lino twa bikka buntu bwesu aa cipaililo, ku kulingula lino, mbuli Mbwe jula meso angu mu ziindi zisyoonto kubala Ijwi Lyako, ikuti na nduyando Lwako, nkabela cawida ku bulizi bwangu sunumasiku kusola kukomona Cinkwa ca Buumi ku bantu. Lino, Mwami, ndi gwasye kwaamba cintucimwi eco cinga cagwasya buntu, bumwi, butakweankobuya abukatede awa sunumasiku. Ko cigwasya kuti inga kwaba majwi akwalo aakululamika, kutegwa tu zibe obo mbo tweede kulilemeka, eco neo tweede kucita a nzila mbo tweede kupona mu nyika eyi ya ciindi cino, ikuti na tu langila Julu ku Muunzi wesu. Ko cipa, Mwami. Elyo koponya malwazi. Ikuti na kuli umwi akati kesu, Mwami, oyo ucisidwe, twa komba kuti Uyo muponya. Koyumya abo bakatede. Twa bakombela.

⁴² Ta tukombela biyo mbungano eyi, pele ku mambungano ambi moonse mu inyika mbiizulwa oko mupailo nkou bambwa, a nkumbizyo kumbele lya Leza, a banji bali makumi aa zyuulu zya basalali bafwide nzala mu myoyo kabaompolola kuti, "Koboola, Mwami Jesu, koboola!" Oh, masimpe Uyo mvwa koompolola kwesu, Mwami, buzuba bumwi, nkabela uyo boola.

⁴³ I kuti na caba ciindi cesu ca koona eco kacitana kusika, i Kuboola nku, tu lizi kuti mweembo uyo lila nkabela bafu muli Kristo bayo buka lutaanzi. Tuyo boola nkabela tuyu ima mu Busyu Bwako buzuba bumwi. Twa Ku lumba kuli ceece, alimwi twa lindila ciindi eco, alimwi lino bamba myoyo yesu. Nkambo twa cilomba mu Zina lya Jesu. Ameni.

⁴⁴ Lino, Nse langili kwaambaula kwa ciindi cilamfu sunumasiku, ndiza maminiti ali makumi otatwe, na makumi one, aa ciijo ciniini awa, kuti Ndi yanda kubala lutaanzi Lugwalo lujanwa mu Bbuku lya Ntembauzyo. Ntembauzyo 105,

a kubala kuyaansi ku kampango ka 15, kusanganya. Kuciindi Ne kabala eyi Ntembauzyo, Ndi yanda kuti muswiilile kabotu loko ku kubala kwa Ijwi, nkaambo Ijwi lyaka tali kakakilwi.

*O amupe kulumba ku Mwami; mwiite ku zina lyakwe:
muzibye ncito zyakwe akati ka bantu.*

Lino amu ciyeeye buyo eco!

*... mupe kulumba ku Mwami; mwiite ku zina lyakwe:
muzibye ncito zyakwe akati ka bantu.*

*Amu mwiiimbile, amu mwiiimbile ntembauzyo:
amwaambaule nywebo zya... milimo yakwe iigambya.*

*Mulumbaizye mu zina lyakwe lisalala: mulekela
myoyo ya baabo ba... kusekelela abo bayandaula
Mwami.*

*Muyandaule Mwami, a nsana zyakwe: muyandaule
busyu bwakwe calyonse.*

*Amuyeeye milimo yakwe mibotu njacita; zigambyo
zyakwe, a lubeta lwakwe lwa mulomo wakwe;*

*O olunyungu lwa Abrahamu mulanda wakwe, nywebo
nobana ba Jakobo basale bakwe.*

*Ngu Mwami Leza wesu: mbeta zyakwe zili mu nyika
yoonse.*

*Wa kayeeya cipangano cakwe kwa lyonse, ijwi eelyo
ndya kalailila ku nzyalani ili cuulu.*

*Eco cipangano nca kapangana a Abrahamu, a cikonke
cakwe kuli Izaka;*

*Elyo kasimpikizya nciconya kuli Jakobo ku mulao, a
kuli Israyeli ku cipangano citeeli:*

*Kwaamba, Kuli nduwe Njo kupu nyika ya Kenani,
kuba caabilo ca lukono lwako:*

*Cindi balo abo... Cindi—cindi nibakali buyo bantu
basyoonto mu mweelwe; inzya, basyoonto loko, a beenzu
muli njiyo.*

*Cindi niba kazwa ku cisi comwe kuya kuli cimbi, a
kuzwa ku bwami bomwe kuya kuli bumbi...*

*Ta kalekela muntu naba omwe kuba bisizya: inzya, wa
katapatila bami nkambo kabo;*

*Kwaamba, Muta gumi munanike wangu, a kuta
nyonganya basinsimi bangu.*

⁴⁵ Ndi yanda kubweza ciijo kuzwa awo, ca: *Ikulemekwa*. Kubala awa, Davida koompolweda Mwami. Kulemekwa nje nkongole njo tujisi kuli Leza. Elyo nce cintu comwe eco Nce yanda, kuyiisya ceeci maningi ku moyo wa muntu onse awa sunumasiku, kuti, mu zintu zyoonse nzo tubona kazicitika, twe elede kulemekwa kuli ncico. Mwabona, twe elede ku cilemekwa. Elyo Davida wakaamba

kuti cindi nibakali bantu basyoonto loko iba Israyeli, antela Abrahamu, Izaka, a Jakobo, oyo ngwa kali kukanana, bantu basyoonto loko, abo Mba katapatila masi a bami nkambo kabu. Leza waka tapatila masi a bami, kaamba, “Muta gumi bananike Bangu, a kucitila basinsimi Bangu bubi.”

⁴⁶ Omuya mu Mukambausi, cipati 12 a kampango ka 13, kuli lembedwe mbuli boobu, mwabona.

*Atu mwwe kumaninizya kwa makani oonse: Muyoowe
Leza, a kubamba milao yakwe: nkambo obu mbo bulizi
buwidwe bwa muntu.*

⁴⁷ I kumaninizya kwa makani oonse nku “yoowa Leza.” Elyo, cindi, to konzyi kulemeka kusikila waba akuyoowa. We elede kuyoowa Leza. Solomoni wa kaamba akwalo, mu Tusimpi, kuti:

I kuyoowa Leza matalikilo aa busongo:

I kuyoowa Leza matalikilo aa busongo:

⁴⁸ Lino, eco ta caambi kuti ula Mu kanduka, pele eco caamba kuti uli muku Mu pa “kulemeka” a “lulemeko.” Elyo cindi wa lemekwa Leza, ula moyoowa Leza. Ula yoowa kuti inga wa Mu nyonganya mu nzila imwi, ula yoowa kuti inga wacita cintucimwi cilubide. Inga toyanda kucita.

⁴⁹ Nda yoowa baama. Nda moyoowa mukaintu wangu—wangu. Nda iyoowa mbungano yangu. Nda bayoowa boonse balanda ba Leza, citakuti Nta bikki cilebyo ku busenabumwi mu nzila yabo. Nda—Nda bayoowa bantu. Nda bayoowa bantu ba dolopo, citakuti Nta citi cintucimwi cilubide eco cinga cabapa kuyeeya kuti Nse kali Munakristo.

⁵⁰ Mwabona, muli jisi, kamutana kuba akulemeka, mweelede kuba a buyoofu. Elyo Leza ula cisesa, Ula sesa kulemeka. Leza ulacita, Ula kusesa. Elyo buyoofu bula kuleta. Elyo tu lizi kuti kuyoowa kuleta kulemeka.

⁵¹ Lino, amubweze kupa mukozyanyo, muntu, walo mulimi na ndiza ngu ii—ii mubelesi mu zintoolo, nkabela taakwe muntu uubikkila maanu kuli nguwe. Pele amu muleke ajane ncito mu mpi ya basilikali a kuselemuka kagwagwa, elyo mbuli ii—ii musilikani kajisi bbaa lyakwe litali kabotu, (oko, ambweni umwi inga takanana kuli nguwe buzuba kabutanaba), “Wabonwa, oko, Johane! Wapona buti?” Mwabona? Nkaambonzi cili obo? Ci baanga nciniini, na buyoofu, na kulemeka, nkaambo ka ncico. Ndiza ula salwa kuba meya wa dolopo, na ndiza . . .

⁵² Nguni unga Muleli Kennedy waba ni, ikuti na takali Muleli Kennedy? Ino kuti na wa kali buyo muntu nguwenya mbwa bede, pele nekubaboobo wakali mubelesi wakabeleka kubana Colgate anselelo awa ku madollar ali makumi one mu mvwiki? Mwabona? Wa kali kunga wasika kwinda mu dolopo okuno nkabela taakwe muntu wakali kunga wabikkila maanu maningi

kuli nguwe, balongwe bakwe beni luzutu. Pele, mukuba kuti Muleli wa United States, ulelela kulemekwa, nywebo mwabona.

⁵³ Elyo kuti, alimwi nkaambo kakuti Leza ngu Leza, Walo ulelela kulemekwa. Mbo mbubo. Elyo Walo, twe elede ku Mu lemeka, a kupa kuyoowa kuli Nguwe. Elyo eco cileta bulemu. Leza wali sesa eco nkambo ka Nguwe a ku balanda Bakwe boonse. Leza usesa kulemekwa ku balanda Bakwe. Walo, balanda Bakwe, obo mbo tuzi kuti mba balanda Bakwe, nkaambo Ula simpikizya aba balanda kwinda ku Ijwi Lyakwe. Ula bweza balanda aba a kubabamba kuba balanda ba Leza, a kutondezya kuti mba balanda, kwiinda kukubamba Ijwi Lyakwe kubeleka kwiinda mu balanda. Mpawo mbuli mbo lemeka mulanda oyo, yebo ulemeka Leza. Aboobo cindi Nda ku lemeka nkabelia ula ndilemeka, alimwi tula lemeka umwi aumwi, mpawo tula lemeka Leza.

⁵⁴ Sa Jesu ta kaamba kuti, “Muciimo mbuli mbo mucitila baniini aba, bana Bangu baniini, mwa citila Ndime. Elyo inga cabota kuli nduwe kuti ziyo lyaangwe munsingo yako, nkabela waka nyikizigwa kunsi lya lwizi, kwiinda kulebya umwi wabo. Nkambo Nda mwaambila, mubone busyu bwabo... Baangelo babo lyoonse bala langa busyu bwa Taata Wangu oyo uuli ku Julu”? Lino, tu lizi kuti mbo babede, kuti swebo, mukuba bana ba Leza, kuti tuli cibeela ca Leza. Elyo Leza usesa bulemu obu. Elyo mpawo Leza ulatondezya kuti bana Bakwe mbaani. Ula—Ula citondezya kwiinda ku zigambyo a zitondezyo, a kuti cili mukucitwa.

⁵⁵ Lino, tuyu talika lino a kwiita mu kubuzya bamwi bantu aba. Lino, ikuti na Nda kali kuyanda kwaamba, kuli umwi, ku kutilika, inga Nda yeeya zya—zya... Atu bweze Nowa, kwa kaindi kaniini. Lino, Nowa waka jisi ciyubunuzyo kuzwa kuli Leza, nekubaboobo caka liimpene ku cintu cili coonse eco sayansi ncoija kutondezya kuba bwini. Pele nekubaboobo wa kaambaula kuli Leza, nkabela Leza wakakanana kuli nguwe. Elyo wa keenda kujatikizya kubamba bwaato. Oko, basikusabula a basikufubaazya, mbuli Bbaibbele mbolya kaamba kuti bayooba mu mazuba aakumamanino mbuli mbo bakabede mu mazuba ayo, kuti abo basikusabula bakasabula Nowa. Baa, ba kayeeya kuti wakali nyongene mu mutwe wakwe nkaambo wa kali kuyaka bwaato. Aboobo, pele Leza wakaleta lubeta aali baabo basikusabula, nkaambo tiiba kaswiilila ku mutumwa wa Leza a kunjila mu bwaato obo kunsi lya kukambauka kwakwe, mpawo Leza wakatumua mbeta Zyakwe zya Buleza aa nyika. Lutaanzi Wa kabamba kulibambilila kwa boonse bakali kuyo citambula, ku kuloboka, elyo mpawo ikuti na tiiba ka ciloboka, kuli cintu comwe luzutu cisyeede. Ikuti na taba kabwezi kulibambilila kwa Leza kulobokela, nnkokuti kuli cintu comwe luzutu cisyeede, olo ndubeta lwa Buleza.

⁵⁶ Inga wacita buyo zintu zyobilo, cilede luse na lubeta. We elede kuzumina comwe na cimbi. Mpawo mpo twiimvwi sunumasiku. Inga twa bweza luse lwa Leza na twa imikila lubeta Lwakwe. Takukwe nzila ya ku cizunguluka. Leza lyoonse ulabamba nzila ya kulobokela kuli baabo bayanda kuloboka. Mpawo Uli jisi... Eco casyaala, ceelede kuyo ima ku lubeta. Kutali kaambo kakuti Leza ula bayanda, pele nkaambo baka sala nzila eyo lwabo. Mwabona, bala bamba kusala kwabo beni. Mpawo mpo twiimvwi sunumasiku, beenzuma, cintu nciconya. Inga twa sala kubweza nzila ya Leza ya kulobokela, na inga twa imikila mbeta Zyakwe, naa umwi ngo tuyanda kucita. Sa tamu kkomene sunumasiku kuti mwa kabweza nzila ya kulobokela? Nkaambo, boonse abo bakaka nzila ya kulobokela, beeleder kuboola kunsi lya lubeta.

⁵⁷ Mpawo kuli muntu umbi Ngwe yanda kukanana. Kwakali musinsimi, mupati wanguzu wa zina lya Musa. I bantu (Israyeli) kweelede kuti bakamvvisya, kweendelana ku Lugwalo, kuti Leza wakali kuyo bavuna alimwi wakali kuyo bagvisya kuzwa mu Egepita. Pele Leza mbwa kabambilia buyo muntu Wakwe a kumu tumina kumusanza mu Egepita, teeba ka mulemeka. Ba ka mutanda, a kuti, "Sa ula tujaya mbuli mbo kacitila muna Egepita?" eco caka bacitya kukkala mu bwaange myaka ili makumi one imbi imbi. Ba kakkala mu bwaange nkaambo baakaka kulemeka sikunununa oyo wakaboola kubavuna. Eco caka bajosya mu bwaange alubo. Kutali kuti Leza wakali kubayanda kukkala, (ciindi cakali luleme ncobeni), pele baka kkala myaka ili makumi one kwindilila nkaambo baakaka kuzumina nzila yakabambwa aa Leza ya kulobokela.

⁵⁸ Obo Mbwe syoma kuti eelyo ndepenzi sunumasiku. Cintu nciconya, mwabona.

⁵⁹ Kuti baakaka nzila yakuzwida, nkabela Leza wakali kanzide, alimwi wa kaambilia Abrahamu a bamwi mu cipangano Cakwe (mbuli mbo tubala Davida ku ciimba sunumasiku), Wa kaba syomezya kuti Uyo cita cintu cimwi, aboobo Leza uyo bamba cisyomezyo Cakwe. Wa kali kuyo bagusya, nekuba, pele antela kutandila nzyalani imbi yakafwa kuzwa. I nzyalani yakale yaka sekä Musa, a zimwi zimbi, nkabela tii bakazumina Mulumbe, eyo nzyalani (myaka ili makumi one) yakamana do, nkabela Musa wakasika mu nzyalani imbi. Mwabona eco Nce pandulula? Ikuti na taba citambuli, nkokuti Leza uyo lekela nzyalani eyo kufwa nkabela Uyo leta nzyalani imbi kucicita. Aboobo, baka cikaka. Elyo mpawo tu jana kuti, eyi nzyalani itobel a yaka boola, cindi Musa naka selemukila okuya ku kulinondezya mwini...

⁶⁰ Nywebo mulizi, Musa waka yoowa kuunka kumusanza alubo. Musa wakali myaka ili makumi ali lusele yakukomena lino, nkabela wakali luunkide myaka ili makumi one. Elyo cindi na kaambaula kuli Leza ku citeo ciyaka mulilo, wa kati, "Nguni

Ngweyo baambila kuti wandi tuma?" Leza taka jisi zina. Wa kati, "Nguni Ngweyo baambila baka ndituma?" Kati, "Cindi Nda amba kuti, 'I Leza wa bamauso walibonya kuli ndime,' bayo amba kuti, 'Nguni Leza wa matata esu?' Ee, ino Ndiyo baambila nzi?"

⁶¹ Wa kati, "Ko baambila kuti 'NDIME UULIKO LYONSE.' Ka baambile kuti 'NDIME UULIKO LYONSE.'" Elyo Wa kati, "Ino ncinzi eco cili mu janza lyako, Musa?"

⁶² Wa kati, "Ii kasamu." Elyo wa kawaalila ansi nkabela kakasanduka kuba nzoka. Elyo wa kabikka janza lyakwe mu camba cakwe, lya kasanduka kuba cinsenda; a kujoka, a kuponesegwa.

⁶³ Wa kati, "Koya kumusanza, a kubweza zitondezyo ezi a kuzicita kumbele lya bantu, nkabela kuyooba kusimpikizigwa. Bayo ziba kwiinda ku zitondezyo ezi Nze kamutumina ku lwaanguluko." Oh, mukwesu! Leza lyoonse ulacita eco. Leza lyoonse ulapa zitondezyo zigambyakwiinda. Mwabona?

⁶⁴ Elyo lino cindi na kaseluka a kwiita bantu, a kucita zitondezyo zyakwe kumbele lyabo, boonse ba Israyeli baka syoma, umwi aumwi wabo. Elyo ba kaunka kugama ku palesi, abalo, ku kuvunwa. Elyo mpaawo Farao wakayeeya kuti nata kabapa kuvunwa, nkabela Leza wakalekezya lubeta aali Farao. Elyo tu lizi eco cakacitika mu Egepita.

⁶⁵ Nceenzu, niba kamana kubona zitondezyo ezyo zyoonse kazicitika, elyo mpaawo zya kaboola ku Lwizi Lusalala, a kujana kuti nguonya Leza wakacita zitondezyo ezyo zyoonse, awa ku Lwizi Lusalala, baka zumbauzya Leza, cintu nciconya citaanzu, kuti Wa kali kukonzya kubamba nzila ya kulobokela.

⁶⁶ Lino, mpaawo mpo tubamba bulubizi bwesu. Cindi bulwazi buniini bwatuumma, cindi kunyonyookelwa kuniini, na penzi liniini lyauma kubusena bumwi mu nzila, mpaawo tuyu unka kuwa. Musanduki mukubusyi; muntuumwi uyo museka, kwaamba, "Ee, toli cintu pele mubumbulusi uusalala."

⁶⁷ "Ee, Nda bijilwa kwiiitwa kuti mubumbulusi uusalala." Nywebo mwabona, mwabona, mpaawo we, ula kujana kuzumbauzya oko.

⁶⁸ Eco nce ciindi ca kwiiima awo! Eco nce ciindi ca, kulemekwa mutumwa. Eco nce ciindi ca—ca kupa bulemu kuli Leza.

⁶⁹ Elyo Musa wakati, "Nda kacita aya, kale, maleele ali kkumi kunembo lyanu. Elyo Leza wakupa maleele ali kkumi, elyo mpaawo mwa yoowa aa lwizi. Cilimasimpe. Nkunji buti nko ciyo tola kuli ndinywe kusyoma?" Wa keenda kujoka, a kubweza musako wakwe a kuujatilila kumbele lya lwizi, elyo maguwo aamvula akaseluka a kulifulida ku lubazu lumbi, nkabela baka zabuka. Elyo mbo baka sikila buyo okuya, mpoonya biyo wakatalika kutongauka teeba kajisi cinkwa. Mwabona, cintu

nciconya buyo. Mpawo Leza wakausya zinkwa kuzwa ku majulu nkambo kabo. Mpawo baka tongauka kuti tiiba kajisi maanzi, a tongausi lyomwe buyo kutobela limbi. Elyo Nda bona . . .

⁷⁰ Yebo wati, “Ee, ndiza bakali musyobo uutasandukide.” Ee, ndiza bakali booboo. Kwakali bantu basangene bakainka antoomwe ambabo, nconzyo.

⁷¹ Pele Ndi yanda kuleta cintu cimbi mu kwiibaluka kwanu—muli kwamu. Ikuti na Leza wakatuma mutumwa, a kusimpikizigwa, kwiinda ku zitondezyo, kuti wa kali mutumwa wakatumwa kwa Leza, mpawo cili kuli mbabo kuswiilila mutumwa oyu. Mbubonya. Beelede kuswiilila mutumwa a kulemeka mutumwa oyo. Amulange Joshua a Kalebi, ba kakkala ncobeni munsi lyakwe. Iiyi, munene. Kufumbwa Musa wakali muli ncico, ba kali muli ncico, abalo. Naa Musa wakali luleme na wakalubide, ba kakkala ncobeni a nguwe, nekuba, mwabona, nkaambo ba kalizi kuti wakali mutumwa wa Leza.

⁷² Elyo okuya, buzuba bumwi, tu jana kuti awalo Miriamu, musinsimi mwanakazi, a Aaroni, mupaizi mupati, kafubaazya mukaintu wa Musa nkaambo waa kali muna Ethiopia, a kuyeyya, “Sa tii kwakali banakazi banji ba nkamu yesu iini, baku kwata, mubusena bwa kuselemukila okuya a kukwata mwanakazi oyo?” Oko tii kwakali kusala kwa Musa; oko kwakali kusala kwa Leza kuli Musa. Elyo cindi niba kakuseka, eco caka nyemya Leza mu nzila eyo kusikila Wa kauma Miriamu, musinsimi mwanakazi, kuzula cinsenda, mucizi wa Musa wini. Ino kujatikizya ceeco? Nguwe, musinsimi mwanakazi, pele ncinzi nca kali kucita? Waa kali kufubaazya a kunyansya ku mutumwa wa Leza, mutumwa wa cipangano ca buzuba obo. Elyo waa kanyansya. Elyo awalo Aaroni, mupaizi mupati, nguonya sikwiiminina Musa, yaa, wa kali a nguwe.

⁷³ Elyo Aaroni mpawo, cindi na kabona mucizi wakwe wakauma cinsenda, wa kanjila a kwaambila Musa, “Sa inga walekela mucizi wako wini afwe?”

⁷⁴ Elyo Musa wakanjila mu cikombelo a kuwa kumbele lya Mwami, a kutalika koomoka a kwiitila Leza, luse lwa mucizi wakwe. Elyo Muuya wa Mwami wakaseluka a kuti, “Koita Aaroni a Miriamu kwiimikila awa kumbele Lyangu.” Oh, ma!

⁷⁵ Leza ulasesa kulemeka! Leza ula tuma Mulumbe Wakwe, amu Uswiilile nkabela amu Ci lemeké. Takukwe makani na ba Ci ita kuti cikama ca babumbulusi basalala, na kufumbwa mbo ba Ci ita; leka inyika icté ncoi yanda. Pele ko lemeka!

⁷⁶ Aboobo, mpaawo kwakaimvwi Miriamu. Leza wakati, “Koita Miriamu a kwiita Musa . . . na kwiita Aaroni awa, munyoko a mucizi wako, kwiima kumbele Lyangu.”

⁷⁷ Elyo cindi niba kanjila kumbele lya Leza, Leza wakati, “To yoowi Leza?” Kaamba booboo ku mupaizi mupati a kuli Miriamu musinsimi mwanakazi. Katí, “Ikuti na kuli umwi, muntu akati

kanu, uli ngu simuuya na musinsimi, Nde Mwami njo lizibya Lwangu kuli nguwe. Njo kanana kuli nguwe mu zilengaano a kuli yubununa Lwangu mu ziloto kuli nguwe, azimwi zimbi, ikuti na ngwa kumuuya na musinsimi.” Pele kati, “Mulanda wangu Musa, Nda kanana milomo ku matwi a nguwe.” Kati, “Tamu yoowi Leza?” Mu majwi amwi, “Amwaambaule zya Musa, mwaambaula Ndime. Ikuti na tamu konzyi kulemekwa Musa, tamu Ndi lemeki.” Kati, “Sa tii Nda tondezya akati kanu kuti mulanda Wangu? Elyo tamu jisi lulemekwa kuli nguwe pee.”

⁷⁸ Eco inga caba ciiyo ca bantu ba buzuba buno, kwiina kulemekwa, kwiina lulemekwa!

⁷⁹ Lino Wa kati, “Elyo nkaambo kakuti toka cita ceeco, nke kaambo nco jisi cinsenda. Ako nke kaambo zintu ezi nco zyaunka,” kati, “nkaambo wa keelede kuziba kuti oyu wakali mulanda Wangu. Uli cizyi, aboobo cindi waamba cintucimwi kulwana nguwe uli muku caamba kulwana Ndime.”

⁸⁰ Aboobo Musa waka kombela buumi bwakwe kuti avunwe, nkabela Leza waka vuna buumi bwakwe. Ta kapona ciindi cilamfu kuzwa awo, waa kafwa. Pele waa kasanzigwa ku cinsenda cakwe, alimwi wakali aanze lya cilawo kwa mazuba aali ciloba, nywebo mulizi, kuli nguwe...kuti abe a ncico, ku kusalazigwa, kuli salazya mwini alubo kuzwa ku cinsenda cakwe. Leza waka muponya.

⁸¹ Pele eco Nca kali kusika kuli mbabo, cakali eci, “We elede kulemekwa eco Nce cita.”

⁸² Elyo ikuti na oko kwakali kulanganya kwa Leza mu buzuba obo, nkabela Leza takonzyi kucinca, Leza uyanda kuti katu lemeka eco Nca cita. Ula cisesa. Kati, “Ula lemeka eco na cintucimwi cimbi ciyo citika.”

⁸³ Ii muntu waka ndaambila buzuba bumwi, wa kati Nda... . Muntu mucete, kafumpa atala awa mu cisambalilo, kuti azyale. Wa kajisi kuyabaalilwa nseba, mu ciimo cibyaabi loko. Ngwa Lutherani ku lusyomo, alimwi bakali jisi mulalilo. Ta kakonzyi loko kweenda ku ya ku mbungano, aboobo wa kabweza takisi. Kati cakamutolela maseenti ali makumi alilusele kuunka kunselelo a maseenti ali makumi ali lusele ku jokela. Simukobo nyina, mubi loko, waka mubona kakomba Mupailo wa Mwami cifumo cimwi, aku museka, ku mufubaazya. Wa kati kuli simukobo oyu, wa kati ku mwaalumi oyu, kati, “Nkokuli nkonga waya mu takisi kkabbu cifumo cino?”

Kati, “Wa kali mulalilo. Nda kaselemukila ku mbungano.”

Wa kati, “Ino mulalilo niinzi?”

Kati, “Cindi twa lya cinkwa akunywa waini.”

⁸⁴ Wa kati, “Nda jisi wangu, ambebo, cifumo cino ku tafule, a kabeela ka cinkwa ca mumuni a kabeela ka whisky.” Mwabona?

⁸⁵ Ndi lizi balombe botatwe, ciindi cimwi, abo bakasabula mulalilo mu mbungano, ba zibe. Elyo ba kaunka kutala mu i-i kaanda ka hotela a kubweza masandiwichi a bbodela lya whisky, alimwi baka jisi mulalilo wabo kutala okuya, kufubaazya mulalilo ngo baka jisi mu mbungano ya Pentekoste. Myeezi yotatwe kiitaba kkwana kuzwa awo, botatwe babo baka... umwi wabo wakali fwide, alimwi bobilo bakali mu kanbunga kalanganya basondokede.

⁸⁶ To konzyi ku nyansya Leza! We elede kumu lemeka Leza. Iki na to cisyomi, koumuna buyo zii, ko citantamuka. Na, naa kucita ceeco, na kuboola cabulemu a ku cilemeka. Muta fubaazyi bantu bali mu Muuya. Muta ambauli kujatikizya bantu abo bakomba mu Muuya wa Leza. Amu baleke balikke.

⁸⁷ Nda kaliimvwi mpoonya alya ku kkona, nkekambauka, myaka imwi yakainda, mbuli mulombe mukambausi. Elyo kwakali mwanakazi wakasika ambali, waa kali muna Katolika ku lusyomo; pele Nda kalizi kuti mulumi wakwe—wakwe wakali muna Katolika, ta kali cintu. Elyo mwanakazi mubotu loko, weebeka kabotu, wakali kuboneka kabotu, kutandila myaka ili makumi obile yakukomena, makumi obile ayobile. Nda kamuziba mbuli musimbi omuno mu dolopo. Elyo waa kasika ambali a kwiima awo, elyo waa kati, “Inga nselekela ng’ombe yangu kuba a bukombi obo William Branham mbwa jisi.”

⁸⁸ Elyo busiku bwakatobela, Nke tana konzya kusika kuli nguwe, kamvwa kuti waa kali kufwa mu cibbadela, elyo katazi eco caka mujaya. Waa kali kufwa okuya mu cibbadela, nkabela mulumi wakwe wakasika kuzo ndibweza. Wa kati... Wa kali muna Katolika. Elyo wa kasika, wa kati, “Boolah cakufwambaana a kwaamba mupailo ku mukaintu wangu, wali kwiita nduwe mangolezya oonse, uli mukufwa.”

⁸⁹ Ee, Nda kati, “Ndiyo unka.” Elyo Nda kanjila mu mootokala a kusiya muswaangano, a katalika kuya ku cibbadela. Elyo Nda kazuzila atala lya matantilo, Nda kaswaanganya narsi, elyo waa kati, “Uli fwide kale.”

Elyo wa kati, “Boolah, kobaambe mupailo wakwe, nekuba.”

Nda kati, “Uli fwide.”

Kati, “Koamba mupailo, nekuba.”

“Ta uko bagwasyi pe lino.”

Kati, “Ee, boolah umulange.”

⁹⁰ Elyo Nda kaselemuka. Waa kajisi kusiya akusalaluka, Nda syoma mbo baaita, masusu asalaluka abbulauni. Mwanakazi mubotu loko, tukoto tusyoonto ku busyu bwakwe awa, a meso mapati ncobeni asalaluka. “Elyo mwanakazi oyo,” oyo narsi wakati, “Billy, waa kafwa mu kufwaba kuli boobo kusikila waa wali kukwiila zina lyako cakumvwika kapati mbuli mbwa kali kukonzya, a kuti, ‘Mwa ambile kuti andi jatile,’ kusikila

tubata twa kalibonya ku busyu bwakwe mbuli impu.” A meso ayo mapati aka tutuluka a zikoye zyakwe zyakali jalide aniini kuli ngawo. Mubwini, nywebo mulizi eco cicitika cindi muntu aafwa, insa a mala abo zilaenda, elyo waa kali awo kafooma koonse. A kufwa mu kufwaba nkaambo... kutali kuti wakanyansya ndime, pele wa kanyansya Makanimabotu ayo Nge kali kukambauka, alimwi kuti Leza wakali kubeleka zitondezyo a zigambyo.

⁹¹ Ciindi cimwi cainda mu New Albany, kuciindi ni Nda kaimvwi kuya nke ambaula kuli sizibi, kandi musololela kuli Kristo, mwaalumi mupati wa maanza mayumu mu garaji, mwaalumi wakali mweenzuma, mukwe wakali kweendelezya garaji ambali. Nda kaliimvwi alya nkekambauka ku oora lya cisusulo, kalya sandiwicci a kwaambaula kuli nguwe kujatikizya Leza. Kwiinda mu ciindi casikati Nda kali kunga ndajana ku busena bumwi oko nko Nda kali kukonzya kuunka ku ciindi ca cisusulo a kusola kuleta buntu kuli Kristo. Wa kati, “Ba. Branham,” wa kati. Nda kali buyo mulombe mukambausi, lwangu. Wa kati, “Ba. Branham,” kati, “baama baka jisi musyobo oyo wa bukombi, obo bukombi bumvugwa kumoyo.” Elyo misozi yakali kuloka aa masaya akwe.

Nda kati, “Nciindi cilamfu buti ncoba unkide?”

Kati, “Myaka. Lyoonse bakali kundi kombela.”

⁹² Nda kati, “I Leza oyo wakamvwa mipailo yakwe uli mukusola kwivviila ndyoonya lino kuli nguwe.”

⁹³ Elyo oyu muntu waka njila omuya, wa kati, “Wabonwa.” Wa kali koledwe. Kati, “Yawe, Billy, swiilila.” Kati, “Kufumbwa ciindi nco yanda kuboola ku garaji yangu,” kati, “ko boola, pele,” kati, “uta kaleti obo bukombi bwako bwakaindi bwa mubumbulusi uusalala okuya.”

⁹⁴ Nda kanyona a kumulanga, Nda kati, “Ali onse Kristo mpata tambwidwe, Nse katambulwi.”

⁹⁵ Elyo aboobo wa kanyona a kuti, “Aah, ko cangamuka, mulombe!”

⁹⁶ Elyo Nda kamvwa buyo mu moyo wangu, Jwi kaliti, “Ko tebula eco nco byala. Inga cabota kuli nduwe kuti ziyo lyaangwe munsingo yako, a kunyikizigwa kunsi lya lwizi.” A mukwe wakwe wini, ayo masika ngaonya, waka mu syonda a traki ya mataani obilo ya Chevrolet yaka zwide zintu, aku mu pwayaula ansi.

⁹⁷ Mwabona, weelede kulemeka Leza. We elede kucita, yebo... Leza usesa kulemeka, alimwi Ula kusesa.

⁹⁸ Elyo aboobo Miriamu wa keelede kuziba kabotu. Aboobo Mo... weelede Aaroni kuziba kabotu, kwiinda kuziba ceeci, kuti Musa waka sololelwaa a Muuya wa Leza kucita eco nca kali kuyo cita.

⁹⁹ Muktausi muna Baptisti waka ndilembela lugwalo mazuba masyoonto ainta, kuzwa kutala okuno. Oh, ikuti na takandi yokela atala lya makala! Wa kati, “Ii mulombwana uli mbuli mutolo mbuli mbobede! I mulimo oyo unga weelena kuli wa Eliya, basinsimi,” wa kati, “elyo mpawo ku kubona kokkede ku ng’anda, utaciti cintu!”

¹⁰⁰ Aboobo Billy wakali kubeleka kwiiminina mulembi ku ciindi, wa kamu lembela lugwalo. Elyo mpawo wa kayeeya, “Ee, Nda syoma Ndiyo muvwiila buyo,” wa kaamba. Pele wa kayeeya kuti ncibotu wandi lekela ku lubala katana luvwiilla. Pele lwaka jisi luzibo lunji muli ndulo. Wa kati, “Lino, oyu tali taata, oyu ndime.” Kati, “Yebo waamba kuti taata waka jisi mulimo mbuli oyo wa Eliya.” Elyo kati, “Wa ti wa kali kukkanza aa nkowmwe ya kalonga kubusena bumwi, kajisi kasamu ka kulobya mu janza lyakwe, na kutala mu malundu, a raifo mu janza lyakwe.” Kati, “Ino uyo amba nzi kujatikizya Eliya cindi akkala kwa myaka yotatwe kumbali lya kalonga?” Kati, “Sena tozi kuti beenzegwa aa Muuya wa Leza kucita eco nco bacita?” Mwabona, bantubonse bayanda kuceendelezya nzila yabo beni. Pele muntu weeleda kusolelewa aa Muuya wa Leza, nkabela mweelede ku kulemekwa. Kwa mana.

¹⁰¹ Okuno buzuba bumwi, buntu buyandisi, omuno mu dolopo, wakabona mukwesu umbi, wa kati, “Uli kuli Bill?”

Wa kati, “Wa kainka kutala mu Canada.”

Wa kati, “Ndi yeeyela kuti kuya kukuvwima?”

Wa kati, “Iiyi, uyo vwima.”

Kati, “Aah, mbufubafuba ku zintu zili boobo!”

¹⁰² Yaa, oyo muntu, mukutaziba kuti Nda kali kunsi lya nguzu zya Muuya Uusalala, kwiinda ku cilengaano ca MBUBOOBU MBWAAMBA I MWAMI, kuunka. Ino uyo citanzi ku Buzuba bwa Lubeta? Ino mbubotu nzi mbo cinga cacita, kuli ndime kuunka ku lubazu lwa bulo bwa mwaalumi oyo a ku mukombela? Ku kutilika, ta ndi syomi. Elyo bantu, cindi baboola koonsa a kwaamba zintu ezi, mbuli Mbwe tazi kuti taba Ci syomi. Nekubakuti bakuumama kusule a ku kwiita kuti “mukwesu,” nekubaboo ulizi kuti taba Ci syomi. Mwabona? Taba Ci syomi. Elyo inga mwaba... Taakwe cintu comwe nco mukonzya ku bacitila. Bayo kwiita, “boola kukomba,” pele ta cigwasyi pe. Nkaambo, nywebo mwabona, taba Ci lekekii. Mwe elede ku Ci syoma. Amulangilile abo bajisi, kusyoma ncobeni a kulangilila eco cicitika. Mwabona, mweelede ku Ci lemeka.

¹⁰³ Jezebele, mu mazuba akwa Eliya, obo mbwa takalemeka Eliya! Obo mbwa... Eliya wakali mweembeli wakwe ncobeni. Masimpe. Oh, taka tambula ceeco. Bubotu, peepe! Waa kali ii—waa kali muhedeni, na muhedeni, na—na mukombi mituni. Elyo waa kajisi bapaizi bakwe beni bapagani. Pele nekubaboo Eliya wakali mweembeli wakwe, Leza waka

mutumina ku kuba mweembeli. Wa kali mweembeli naa... Ikuti na wa kamutapatila a kumwaambila zibi zyakwe zyoonse, nekubaboobo wa kali mweembeli wakwe. Ta ka citambula pe, pele, nkabela ta kamulemeka. Waa kamusulaika! Masimpe, waa kacita. Elyo ncinzi cakacitika kuli nguwe? Leza wakalekela babwa kumulya mu kagwagwa. Mbo mbubo. Nkaambo nzi? Waa kanyansya Mulumbe oyo Eliya ngwa kali kukambauka.

¹⁰⁴ Leza usesa kulemeka. We elede kuba ancico. Ula sola kujana cimwi kuzwa kuli Leza, uyo lemeka Leza. Elyo weeledе kucicita kuzwa ku moyo wako, kunci lya moyo wako. We elede kucicita.

¹⁰⁵ Pele waka nyansya Leza nakali kunyansya musinsimi Wakwe. Lino, waa kalizi kuti Eliya wakali musinsimi. Tiiba kajisi cili conse mu Israyeli cakali kukonzya kuzwidilizya kuli Eliya. Baa, zilengaano zyakwe a zintuzyonse zyakali londokede kumbele lya Leza. Elyo walo, pele wa kabapa mulandu. Luse, iiyi! Na kakonzya kuba aa kabungwe koonse, zintuzyonse zimbi. Elyo zintuzyonse zya kaitwa cibi, wa kacipa mulandu, kuzwa ku muniini maningi kusika ku mwaami a boonse, ta kavunga fwaindi imwi ku umwi wabo. Pele bakacita kuziba kuti wakali musinsimi. Tiiba kakonzya buyo kutantamuka kuziba ceeco. Iiyi, munene.

¹⁰⁶ Awalo Ahabu wakasola kumutamikizya nkambo ka cilanga. Elyo wa kakomba Leza kuti atume cilanga. Iiyi, wa kacita. Elyo wa kati, "Ndi jisi nguzu nkabela Njo jala majulu; tai kawi akwalo, na mume tau kawi, mane Nka wiite."

¹⁰⁷ Sa inga mwayeeyela Jezebele oyo muniini a busyu obo bupentedwe, kadiimene koonse akoonse aa cibuye eco, "Oyo sikuupaupa mukulukulu! Oyo sikuupaupa mukulukulu, kacitya boonse aba bana baniini okuno kupenga," a boonse mbuli baabo. Eliya wakali kusola kubajosya kuli Leza, kusola kuwina kujosya cisi kuli Leza. Mwabona? Elyo kuboneka mbuli... Waa kali kukonzya kwaambila bantu, "Yebo waamba kundaambila kuti inga wasyoma aa mwaalumi mbuli oyo, ukonzya kujalila masi mbuli obo, noiba mvula na mume kutawa? Elyo konse kuupaupa kwakwe na bulozi bwakwe okuya," kufumbwa ncakali kuyanda ku ciita. "Elyo tali cintu pele buyo i—i mulozi na musondi, na cintucimwi. Uli jalidwe majulu nkabela taikawi pe, kubamba bantu aba boonse kuti bapenge. Elyo nywebo mwati mpawo olo nduyando lwa Leza?"

¹⁰⁸ Lwakali luyando lwa Leza! Takukwe makani eco, mwabona, mweelede kulanga eco... Mweelede kulemeka Leza kakutakwe kulanganya eco Nca cita. Uli zyi eco Nca cita. Kwakali kuboneka bubi, bana kabapenga, bantu ka bapenga, ng'ombe kazifwa, mbelele kazifwa, taakwe maanzi ali onse, i masiku akali kupya cabubi, zuba lyakali kumweka mbuli mukuba mu milengalenga kwiinda mu ciindi casikati, kwa myaka yotatwe a myeezi ili cisambomwe. Elyo Eliya kakkede atala lya mulundu, kati,

“Kutali awalo mume uyoowa mane Nka wiite kuzwa kuli nguwo.” Mbo mbubo. Oh, obo mboba kamusulaika!

¹⁰⁹ Elyo cindi walo, Ahabu, waka mujana, wa kati, “Ndo nduwe upenzya Israyeli, sa nduwe?”

¹¹⁰ Eliya mudaala waka cebuka ku busyu bwakwe, kati, “Peepe, kutali ndime, pele ndo nduwe oyo uupenzya Israyeli.” Mbo mbubo. Mwabona, awalo Ahabu taka mulemeka. Elyo mulizi eco Eliya nca kaambilia Ahabu, kati, “Nkaambo wa katila bulowa butakwe kampenda bwa Naboti, aboobo babwa bayo ntvakizya bulowa bwako, abalo, mu kagwagwa.” Elyo ba kacita! Nkaambo bakanyansya mutumwa wa Leza. Mbo mbubo ncobeni. Ba kamu nyasya.

Lino, Miriamu wa kamu nyansya. Aroni wa kamunyansya.

¹¹¹ Takukwe makani na nduweni, Munakristo na kutali Munakristo, weeleda kuleta bulemu kuli Leza, a kulemekia eco Ncali mukucita, nape upengele citobela. Kwalo ku citambula nape kuya ku lubeta, komwe inga wa kuyanda.

¹¹² Obo Mbwe konzya kwiiima a bumboni, bwa oora a oora, lya ceeco Nce kabona mu ciindi cangu cabuumi, eco Nce kabona mu masi ambi a zibeeela zimbi zya masi, azimwi zimbi, zintu zyaka citika. Pele kusotoka ceeco, kutegwa buyo mujane i-i muzeeso wa ceeco Nce sola ku mwaambila, mweelede ku cilemekia. Nda kabona bantu bakubusyi kaba kkede mu muswaangano, a kusekelezya a kuseka mu muswaangano, alimwi, kutatola maora ali makumi obilo aone, ku pwayaaula mu tugwagwa. Nda kabona bantu bakubusyi kaba kkede mu muswaangano, mu mwaka omwe cindi ni Nda kali mu busena, elyo utobela, ndiza mu myeezi ili cisambomwe, kujokela ku busena mbubonya, a kutandila umwi aumwi wabo waka nyonyooka, na wakajaigwa, wakaumwa kubusena bumwi, ku malwazi a zintu. Mbo mbubo. We elede ku cilemekia.

¹¹³ Amuyeeye musimbi umwi mukubusyi busiku bumwi, Tennessee, cindi Ne kali kuzwa ku mulyango, nke kambauka ku mbungano mpati ya Baptisti, kali kuzwa ku mulyango. Elyo Nda kalimvwa kusololelwaa busiku obo ku mwiita kuboola kuli Kristo. Ee, waa kaseka ku busyu bwangu cindi Ne kamwiita kuboola kuli Kristo. Waa kacitika kuba umwi wa bana basimbi ba daikona. Elyo kaimvwi ku mulyango busiku obo, waa kandi lindila. Elyo Nda kazwa, waa kati, “Ndi yanda kuti uzibe cintucimwi ndyoonya lino, utandi ubausyi mbuli boobo alubo.”

Nda kati, “Leza wali kukwiita.”

¹¹⁴ Waa kati, “Bufuba! Ndili mukubusyi,” kati, “Ndi jisi ciindi cinji ca ceeco.” Kati, “Bataata bali jisi bukombi bukubwene bwesu toonse ku muunzi.”

¹¹⁵ Nda kati, “Kutali bukubwene kuli nduwe, mucizi, umwi aumwi weeleda kuba a bukombi bwabo.”

¹¹⁶ Waa kati, “Ikuti na Ndi yanda muntu uuli oonse kwaambaula kuli ndime kujatikizya ceeco, Njo jana muntuumwi ujisi kuyeyya kubotu, kutali muntuumwi mbuli nduwe.”

¹¹⁷ Nda kati, “Koya, ukaambe eco ncoyanda. To ndipenzyi pe, pele buzubabumwi uya kuusa kuli ncico.”

¹¹⁸ Kutali ciindi cilamfu kuzwa ceeco, wakainda mu muunzi nguonya. Mpaaawa waka selemuka kagwagwa kasamide pitikoti wakwe kaulengelele, kazwa mate a musanga watombwe mu janza lyakwe, a kundipa cakunywa ca whisky. Cintu nciconya! Elyo mboobu bumboni bwakwe, waa kati, “Ula yeeya busiku mbo kaita okuya?” Kati, “Obo bwakali bwini.” Waa kati, “I Muuya wa Leza wakali kundipa bumboni kuli ndime busiku obo, kusola kundi bamba kuboola.” Elyo kati, “Kuzwida awo mpawo Nda kakaonzya kubona buntu bwa baama kuulukila mu gehena mbuli mpani ya zibunge, a ku ciseka.” Eco nce cakacitika, mwabona.

¹¹⁹ We elede kulemeka Leza. Kwa mana. We elede kucicita, mukwesu. Kwa mana. Jezebele waka cinyansya.

¹²⁰ Elyo amuyeeye ciindi cimbi, kwakali bana batakwe bulemu, ba kakomezya mu ng’anda.

¹²¹ Eliya, kwiinde mazuba akwe, mubwini, bantu baka musulaika nkaambo wa kaita pamba eelyo pamba mu cisi. Kwakali bantu bamwi baka yiisa bana babo kuti “Eliya, muntu mbuli oyo,” wakacincwa a kutolwa ku Julu. “Wa kajaigwa kubusena bumwi, elyo baka muzikka buyo a kumu sisa.” Teeba—teeba kacisyoma.

¹²² Aboobo Elisha waka bweza busena bwakwe, lino wa kali mutumwa wa buzuba lino Eliya nakamana kutolwa kujulu. Aboobo wa kaselemuka kwiinda mu muunzi umwi, a bana, bana baniini ba dolopo eelyo, kazuzila kubusena, ku mufuubazya, kati, “Yawe, yebo omulanda wa lubala aa mutwe lwakaindi, nkaambonzi nco tainka kujulu mbuli Eliya mbwa kacita?” Mwabona, teeba kasyoma Eliya kuti wakainka kujulu. Nceeco we. Kwa kali kunyansya muntu; kwa kali nyansya Mulumbwe wakwe. Wa kali sikutola busena bwa Elisha... kuli Eliya. Wa kajisi bunanike, muuya wa Eliya wakali aali nguwe. Wa kaunka nkoonya kutala okuya a kucita zintu nzyoonya Eliya nzya kacita. Aleluya!

¹²³ Jesu wakati, “Oyo usyoma Ndime, milimo Nje cita uyo icita awalo.” Iiyi. “Ezi zitondezyo ziyo batobelabo basyoma.”

¹²⁴ Ba ka cinyansya. Elyo baka munyansya Eliya nkaambo wa kasyoma muli Elisha, nkaambo Muuya wakali aali nguwe. Elyo wa kanyona a kuuma Jordano kubelesya cikobela cakwe, a kujula Jordano, katanta a kucita musyobo nguonya wa maleele oyo Eliya ngwa kacita. Elyo abalo boonse bakambausi kutala kuya ku cikolo ca basinsimi, kati, “I muuya wa Eliya ulakkala aali Elisha,” mopooompo ku cisi.

¹²⁵ Elyo bantu, Nda bbeja baka sekana umwi aumwi, kati, “Yawe, yawe, kolanga kuli ncico!” Ba lati, “Eyo nkamu ya babumbulusi basalala, sikwiindilizya, kwaamba kuti, ‘Oyo muntu wakainka ku Julu kakutakwe kufwa, mbizi zyaka seluka.’ Tii twa kabona cimwi.” Nincobeni tiiba kacita. Peepe nconzyo, tiiba kacita. “Tii twa kabona mbizi zili zyoonse. Tii twa kamvwa nkalaki zili zyoonse kuli koonse. Bufuba! I mulombwana mudaala wakafwa nkabela baka muzikka, elyo mpawo bali mukusola kubamba kunji kwa kucita kuli ncico.”

Mbuli buyo mbo bangba baamba sunu, cintu nciconya!

¹²⁶ Mbuli mbo bakaamba kujatikizya Jesu, ba kati, “Baa, ba kaboola a kubba Mubili Wakwe ciindi camasiku.” Akwalo bakabbadela basilumamba kupa bumboni kuli ceeco. Pele Wa kabuka kuzwa ku bafu!

¹²⁷ Elyo Eliya wakatolwa kujulu mu nkalaki ya mulilo, a mbizi zya mulilo.

¹²⁸ Elyo cindi oyu musinsimi mukubusyi nakeenda okuya, kaselemuka kwiinda mu muunzi. Elyo wa kasweekelwa masusu akwe, mbuli mwaalumi mukubusyi. Wa kali kuselemuka, aboobo aba bana baniini bakazuza kusule lyakwe, kati, “Yawe, nkaambonzi toinka kujulu a Eliya?” Kati, “Yebo omulanda wa lubala aa mutwe, yebo!” Mwabona? Elyo bakali kutondezya kunyansya. Elyo ncinzi Eliya nca kacita? Wa kanyona, mu nguzu zya Muuya, a kusinganya bana abo. Ncinzi cakacitika? Bobilo bamasekese bazyazi bakali kuzwa mu zisaka a kujaya bali makumi one abone. Yaa. Kunyansya, kubula bulemu. To konzyi kucita ceeco. We elede kulemeka Leza.

¹²⁹ Ikuti na umwi wa bana wakali ambide... Lino, ikuti na bawisi a banyina bakali ambide kuti, “Lino, amulange, nobana, baamba kuti Eliya wakatolwa kujulu. Lino, ta tuzi kujatikizya ceeco, pele, nekuba, Ta-Ta-Ta ndizi naa cili booboo na pe, pele Nda mwaambilia cintu cibotu maningi cakucita ta caambi cintu kujatikizya ncico. Kozumanana buyo. Cindi ayinda... Tu mvwa kuti ula boola kuselelo kwiinda mu dolopo sunu, uyooba a muswaangano waku kagwagwa kutala kuya. Ikuti na wacita, ikuti na nobana, mu lweendo kuya ku cikolo sunu, amu muswaane, amwaambe buyo kuti, ‘Wapona buti, mufundisi? Wapona buti, munene?’ Na cintucimwi mbuli ceeco. Kanana kuli nguwe.”

¹³⁰ Pele mucibaka ca ceeco, kwiina kuzumbaunya ba kaambilwa ku muunzi. Oh, ba kamvwa bataata a baama kaba kkede ku tafula a kuseka, umwi aumwi, kabati, “Ncinzi ncozi! Ba kati oyo mubumbulusi uusalala wakaindi wakatolwa kujulu. Sena mwakasola kusyoma cintu cili coonse mbuli ceeco? Elyo ba kaamba mulombwana oyu muniini wakaindi wa lubala aa mutwe, mbuli buyo syalubala mbuli cipusi kutala kuya, taindi kutandila myaka ili makumi otatwe ayosanwe yakukomena,

elyo ngooyu uli mukuselemuka kwiinda omuya, akuti wa kali kuyooba a muswaangano, ku tulangila kusyoma bufuba mbuli obo. Baa, tali cintu pele aniini...buyo i—i kusabula. Nku koonse mbo cibede. Nkaambo, ta kabooli ku mambungano esu, Uli buyo mbuli Eliya mbwa kabede, ta kabooli ku mambungano esu. Tuyo, uyo...Antela musyobo umwi wa bulozi, sikuleta ntuko, masalamusi, mbuli Eliya.” Tiiba kamusyoma. Aboobo, bana baniini baka yiisigwa ceeco ku muunzi.

¹³¹ Ikuti niba kayiisigwa lulemeko a kulemeka, niba keenda okuya kumbele ly a musinsimi oyo wa Leza a kulomba mupailo wabo.

¹³² Pele baka yiisigwa kusekelezya a kuseka, a kufubaazya. Kutandila mbuli bana ba sunu, mo... bunji bwabo sunu bayo fubaazya muswaangano waku kagwagwa, inga bafubaazya kukambauka kwa Makanimabotu.

¹³³ Aboobo, Eliya wakaba singanya, mu Zina ly a Mwami. Kutali kaambo ka bana, pele nkaambo ka bazyali bakali kunyansya oyo waka komezya bana mu nzila eyo, ku kutalemeka Leza. Bobilo bamasekese bazyazi bakazwa a kujaya bali makumi one abone. Lino, oko nkunyansya. Leza usesa kulemeka! Cindi niba kanyansya musinsimi Wakwe, baka Mu nyasya; takukwe makani mbo bataka syoma, ba keelede kujala milomo yabo, ku tandamuka kuzwa kuli ncico. Pele, peepe, ba kacita kubikka kukkwana tukkobili twabo. Ba keelede kwaamba cintucimwi eco neco bakeelede kwaamba. Elyo ncinzi cakacitika kuli mbabo?

¹³⁴ Atu bweze bantu bamwi abo baka cilemeka. Atu bweze mwanakazi muna Shunema, ku musinsimi nguonya, Eliya. Ta kali muna Israyeli wini. Waa kali kuzwa ku Shunemu, pele waa wakali kusyoma muli Leza. Elyo waa kabona mwaalumi oyu kainda mu dolopo, kamumvwa kaambaula, waa kabona zitondezyo nzya kacita.

¹³⁵ Ca kaambwa mu makani aakale, Ta ndizi naa nca bwini na pe, kuti buzuba bumwi cikama ca babwa bamusokwe bakali kusola kujata musimbi muniini. Lino, olu taluli Lugwalo, nkaano buyo Nke bala. Elyo wakati mwanakazi muna Shunami wakaliimvwi ku kkona, elyo waa kabona kuti babwa aba bakali kuyo jaya musimbi oyu muniini. Elyo oyu muntu uusalala wakali kwiinda mu dolopo, nkabela wa kabusya musako wakwe kuli Leza, a koompolwedwa luse ku bana baniini mbuli boobo, nkabela babwa baka tantamuka a kuzwa kuli mbabo. Naa cakali boobo na pe, kumvwika mbuli kuti cakali obo, Ta ndizi.

¹³⁶ Pele, nekuba, oyu mwanakazi wakati, cindi Bbaibbele, cindi na “kaziba kuti oyu wakali muntu uusalala.” Waa kaziba kuti cintucimwi cakacitika. Waa kabona obo mbwa kabede, a “kuziba kuti wa kali muntu uusalala kuzwa kuli Leza.” Elyo, mibusena bwa kunyansya mbuli Jezebele mbwa kacita, waa kamulemeka. Waa kat iku mulumi wakwe, “Tula konzya kaboutu

kucita ceeci. Nda ku lomba, atu muyakile ng'anda niini abusena bumwi. Atu mupe busena buniini, nkambo uli katede. Nda ka mulangilila. Uya bucumbaala, alimwi Nda bona masusu akwe aamvwi mbuli mbwa kalengelela mu cilezu cakwe. Musako wakwe muniini wakaindi, maboko akwe maniini akotede loko mbuli mbwa keenda ambali, maboko maniini anyama ilileka leka mbuli obo. Elyo ngooyu waboola keenda ambali, kabwezede nsazi niini ya mafuta ku lubazu lwakwe, a kabeela ka cikutu cambelele kazambaidwe ali nguwe, mu zuba lipya, mubili wakwe wakali kuboneka kumpwa a kusubila. Elyo Nda ku lomba, atu mubambe kuba siteshioni niini, kwiimikila awa. Atu bweze sikuyaka mupati a kuzwa awa a kumuyaka busena buniini, a kumu bikka atala, nkaambo Nda ziba kuti muuya wakwe, kwiinda ku muuya wakwe, walo muntu uusalala. Walo muntu wa Leza." Oh, oh, ino ndwandaano!

¹³⁷ Lino, mulumi wakwe waka zuminana, waa... kwayanda wakati, "Oyandwa, Nda kabona mwaalumi oyo, awalo. Nda kaswiilila kuli nguwe, Nda ka mulangilila, Nda kabona milimo yakwe. Ndi lizi kuti muntu uusalala wa Leza. Aboobo tuyu cita buyo ceeco." Aboobo ba kaita muyasi mupati a kumuyaka busena buniini buboto, aku mubambilila bulo buniini alya kutegwa kano pumuna, akuti kano konzya kulalaakuzyokezya. Kamu bambila busena bwa kusanzya matende akwe, kabweza maanzi a zintu, a kububamba omuya.

¹³⁸ Elyo cindi musinsimi nakasika, mubwini, oyo wakalongezya buntu bwakwe, kabona kuti cintucimwi caka citilwa nguwe. Wa kati kuli Gehazi, "Koya, uka mwiite, a ku mubuzya eco ncenga Nda mu citila, sa inga Nda 'kanana ku mwaami, kuli silutwe mupati?" Wa...

¹³⁹ Waa kati, "Nda kkala akati ka bantu bangu, nkabela kwiina cintu Nce bulide."

¹⁴⁰ Pele Gehazi wakati, "Ta jisi bana. Elyo mulumi wakwe ulicembede loko mu kukomena, uli cembeede. Taba jisi bana."

¹⁴¹ Elyo inga Nda yeeyela, Eliya kakkede awo aa bulo obu buniini, obo mbwa kamulongezya kwiinda ku kubamba, kasanzizye matende akwe, a cilezu cakwe ka cisanzidwe, a zintu, kazibikkidwe alya, kwiina kuzumbauzya pele eco nca kabona cilengaano ca Mwami (nkaambo, lyoonse bakali kucita eco). Aboobo wa kati, "Koya, ka mwiite, a kumwaambila kwiimikila awa kumbele lyangu." Oh, ma! "Koya, uka mwiite, nkaambo walo wa—waa lemeka Leza. Koya, ka mwaambile kuti aboole kokuno."

¹⁴² Cindi na kaima ku mulyango, wa kati, "MBUBOOBU MBWAAMBA I MWAMI. Kutandila ciindi eci, mwaka uucilila, uyo zyala muvwanda." Elyo kutandila ciindi eco, mwaka utobelaa, waa kajisi muvwanda.

¹⁴³ Mpawo Saatani, cindi na keelede kutandila myaka ili kkumi aibili yakukomena, bawisi bakali mu masena akubelekela buzuba bumwi, elyo Saatani wakati, “Njo gusya mwana oyo,” aboobo wa kamupa buyo kulebuka kwa zuba. Elyo wa kafwa mu maboko aa banyina.

¹⁴⁴ Sena eco caka mutyompya? Peepe, munene. Waa kati, “Kotanta kambongolo. Elyo koya kunembo, uta imi. Koya kutala ku Cilundu ca Karimeleki, ku mulundu, nkaambo wa kainda buyo awa buzuba bumwi.” Oh, oh! Oh, oh! Oh, oh! Ma! Mpaawo we. Oko nkulemeka. Oko nkulemeka.

¹⁴⁵ Elyo mulumi wakwe wakati, “Yebo uunka ku muntu wa Leza.” Kati, “Tauli mweezi mupya na sabata, ta kabi kutala okuya muli yakwe...”

¹⁴⁶ Waa kati, “Konse kuyooba kabotu, kotanta buyo kambongolo a kundi lekela kuzumanana.” Elyo aboobo mbaabo bakaunka.

¹⁴⁷ Elyo baka tanta mu mulundu. Elyo cindi Eliya mudaala nakalanga kuzwa mu mpangala, elyo wa kazwa kuya a kulanga koonse, wa kati, “Oyu ubaanga mwanakazi muna Shunami uboola.” Kati, “We elede kuti uli bijilidwe.” Wa kati, “Koya, uka muswaanganye. Elyo, cindi,” kati, “uli bijilidwe ku moyo wakwe, nkabela Leza kwiina naka ndaambilia cintu kujatikizya ncico.”

¹⁴⁸ Mwabona, Leza taelede ku kwaambilia zintu zyoonse, mwabona, aboobo Ta elede akwalo kwaambilia basinsimi Bakwe zintu zyoonse. Walo buyo—Walo ucita buyo eco Nca yanda kucita, Ngu Leza.

¹⁴⁹ Aboobo wa... Lino, Eliya wakati, “Leza!” Ino kuti Eliya wakaamba ceeci, “Nkaambonzi To ndaambilia kaambo nea boola? Nkaambonzi To ndaambilia koonse kujatikizya ncico?” Na taka cibona cintu. Pele cakali kabotu kuli Eliya, kufumbwa mbo cakabede.

¹⁵⁰ Alimwi ikuti na kaboola akuti, na aamba kuti, “Wa kati wakali mulanda wa Leza? Yebo sikuupaupa! Nda syoma toli cintu pele mubumbulusi uusalala”? Ni cata kacitika. Mwabona? Leza ula tusoleka ziindizimwi, kubona eco nco tuyocita.

¹⁵¹ Aboobo, mibusena bwa ceeco, waa kazuzila nkoonya ku matende akwe a kukomba, mbuli mbwa kabede kuli Leza. Elyo waa kati, nkabela waa kayubununa kuli nguwe eelyo lyakali penzi. Elyo Eliya wakati, “Kobweza musako wangu a kuunka kuyo ubikka aa mwana.”

¹⁵² Elyo cindi na kacita, mwanakazi wakati, “Mbuli Mwami Leza mbwali muumi, nkabela buntu bwako tabufwi,” oh, ma, “yebo mulanda wa Leza, Nse kokusiya. Ndiyo kkala awa mane Leza aka tume cilengaano.” Mudaala Eliya waka kkala alya kaindi kambi; waka lyaanga mu cikungu cakwe, akubweza musako wakwe ngooyo wa kaunka.

¹⁵³ Wa kanjila mu kaanda omo muvwanda oyo mwakalede, muvwanda uufwide. Keenda atala ansi lya cibuye, mbuli boobo, ziindi zisyoonto. Nkaambo ka mwanakazi wabulemu, mwanakazi oyo waka mulemeka, mwaalumi waka mulemeka, a ku musyoma kuba mwaalumi wa Leza, wa keenda oku akooku a cibuye kusikila Leza wakaingula. Ameni. Mpawo wa kali lazika aa muvwanda nkabela wakeesemuka ziindi zili ciloba, a kumu nyamuna a kumupa kuli banyina. Kazumanana kweenda kuzwa, kujokela kutala ku mpangala wa kaunka. Nkaambo waa kalemeku muntu wa Leza! Ameni. Leza usesa kulemeka.

¹⁵⁴ Ino kujatikizya Marta? Waa kali kuyeeya lyoonse kujatikizya kujikila Jesu cisusulo cibotu. Mariya wakali kuyanda kumvwa Ijwi lya Leza, aboobo waa kakkala buyo koonse a ku Mu swiilila. Ta kajisi makani na twaambo twa mapilo twa kacinka, na i—i zisitilizyo zyaka kunkumunwa suko, na bakali jisi cili conse cakulya na pe, waa kali kuyanda buyo kumvwa eco Jesu ncakali kuyo amba. Pele Marta lyoonse wakali kuyanda ku Mu jikila cisusulo cibotu, a kuba masimpe kuti cuuno caka kompeme nkabela caka bikkwa kabotu, a zintuzyonse zyaka salazigwa mbuli boobo. Pele waa kali ku Mu yanda, kucita cintucimwi ca Jesu mu nzila yakwe, nkabela Mariya wakali kuyanda kucicita mu nzila yakwe. Pele buzuba bumwi cindi Lazaro nakasika... Bantu banji bakaambaula kulwana Marta, kati waa keelede kubikkila maanu maningi. Oh, peepe, asyoonto buyo. Mwabona, mpaawo kwakasika ciindi ca Marta caku mutondezya. Elyo mpawo cindi Jesu... Cindi Lazaro nakafwa, munyina wakwe, waa ka Mu tumina kuboola kuzo mukombela. Ta kaboola. Ta kabikkila maanu ku kwiipta, Wa kazumanana kuya ku busena bumwi bumbi. Waa katumina alimwi, nkabela nekubaboobo taakwe nakabikkila maanu ku kwiipta.

¹⁵⁵ Pele cindi kumalekelo Na kaboola, kuboneka mbuli eno kuti waa kali kukonzya kweenda kuya kuli Nguwe a kwaamba, "Nkaambonzi To kaboola? Nkaambonzi To kaboola cindi ni Nda ka Kwiita? Mukwesu wakali lede alya, kacisidwe. Twa kasiya mbungano yesu, twa kasiya kabunga kesu, twa kacita zintuzyonse zya kutobela Mulumbe Wako, nkaambo twa syoma kuti Wa kali Muntu wa Leza. Pele mbobuti Muntu wa Leza mbwa konzya... Elyo swebo bobilo na bamusyaala, bana botatwe na bamusyaala awa, bamusyaala botatwe, a kuponena kwesu kwakali kwa kuluka zintu zyandee zya tempele eelyo. Twa kali zizo okuya, baama a bataata bakali mamembala okuya. Pele nkaambo kakuti Wa ka tucenga mu cintu, kusyoma muli Ceeci, eco Nco sola kuyiisa, kwaamba kuti Uli Mwana wa Leza a Musinsimi wakatumwa kwa Leza, a zintu ezi, mbobuti mbo tukonzya kusola ku Ku syoma, i Muntu unga akwalo ta swiilili kuli ndime cindi Nda Ku ita? Cindi ni Nda kali mu kubula alimwi kwa kali ku bulide Nduwe, Wa kaunduluzya mulumbe wang'u a kuzumanana. Elyo Nda katuma alubo, nkabela Wa kaumuna

zii. Nkaambonzi Nco kacita cintu mbuli ceeco?" Ikuti na kacita ceeco, kaano nika kaba kandeene sunumasiku.

¹⁵⁶ Ino wakacita nzi? Waa kazuza kugama nkoonya oko Nkwa kabede, kawida ku matende Akwe a kuti, "Mwami, ikuti Yebo nokaliko okuno, mukwesu nata kafwa." Oh, nceeco we. Ncinzi ncakali kucita? Waa kali kulemeka. Waa kali mu Busyu bwa Leza, nkabela waa ka Mu lemeka. Waa ka Mwiita kuti Mwami wakwe. "Mwami, ikuti Yebo nokaliko." (Kutali, "Nda ka Ku tumina!" Oko koonse kwa kalubwa.) "Lino Uli waano, wabona. Ikuti Nokaliko okuno, mukwesu nata kafwa."

Wa kati, "Munyoko ula buka alimwi."

¹⁵⁷ "Oh," waa kati, "iiyi, Mwami, Ndi lizi uyo buka alubo mu buzuba bwamamanino."

¹⁵⁸ Elyo—elyo Wa kati, elyo waa... Wa kati, "Pele Ndime Bubuke a Buumi. Oyo uusyoma muli Ndime, nekubakuti wakali fwide, kwalo uyo pona. Kufumbwa oyo uupona a kusyoma muli Ndime ta kafwi."

¹⁵⁹ "Nda syoma, Mwami, kuti Uli Mwana wa Leza wa keelete kuboola mu inyika. Elyo nekuba lino, Mwami!" Oh! "Nekuba lino!" (Kutali, "Mwami, We elede kucita ceeci alimwi Wa keelete kucita ceeco!") Pele, "Nekuba lino, kufumbwa cintu Nco lomba Leza, Leza uyo cipa kuli Nduwe." Nee ncico.

¹⁶⁰ Ino kuti twa konzya kwaamba ceeco ku muntu umwi sunumasiku, "Oh, mukwesu wangu, Nda syoma kuti eco nco lomba Leza, Leza ula cipa kuli nduwe"? I micelo njiyonya iyo boola.

¹⁶¹ Pele takukwe makani obo kunji Mbwa kabede, ikuti na Wa kali... Elyo tu lizi kuti Wa kali Mwana wa Leza. Ikuti na ka cinyasya, nicata kabeleka pe. Eco cakali kuzwa ku moyo wakwe. Waa kati, "Nekuba lino, Mwami, kufumbwa cintu Nco lomba Leza, Leza inga wa cipa kuli Nduwe." Nee ncico. Nee ncico. Kuzwa ku moyo wakwe, waa kacisyoma. Ikuti Na kabweza lweendo lwa kuvwima na lweendo lwa kuzela nswi, eco nicata kabamba lwandaano kuli nguwe.

¹⁶² Peepe, ikuti na Eliya nakaunka mu lweendo lwa kuvwima na kwiinka kubusena bumwi, tii cakabamba lwandaano kuli ncico, ku mwanakazi muna Shunami. Waa kacili kumusyoma kuba muntu wa Leza. Masimpe. Takukwe makani eco nca kacita, wa kacili muntu wa Leza, kuli nguwe, nkaambo waa kabona Leza keenda mu buumi bwakwe.

¹⁶³ Elyo, kuli Marta, takukwe makani eco cakacitika, waa kabona eco Leza nca ka Mu citila. Waa kati, "Nekuba lino, Mwami, kufumbwa cintu Nco lomba Leza, Leza uyo cipa kuli Nduwe." Aah, nceeco we.

¹⁶⁴ Wa kati, "Munyoko ula buka alimwi." Elyo aboobo Wa kati, "Nkokuli nko mwaka muzikkila?" Elyo baka selemukila ku

cuumbwe. Elyo Wa kaita Lazaro kuzwa ku cuumbwe, nakamana kufwa kwa mazuba one. Nkaambonzi? Nkaambo mucizi wa Lazaro wakalemeka obo Mbwa kabede.

¹⁶⁵ Ikuti na to konzyi kulemeku muntu, kolemeku mulimo ngwa jatilila muli Leza. Mbo mbubo ncobeni, mwabona, ko mulemeku. Ikuti na mukutausi waboola, mweembeli wako, lyoonse ula mulemeku. Nda kazimvwa mbunga ka zyaambaula beembeli bazyo, obo kwaambaula nguwe, ku munikanika, ku mufubaazya. Mbobuti oyo mweembeli mbwa yosola kucita cintu cili coonse kuli nduwe? Ta konzyi kucicita. Ta—ta mu, ta mu... Ta ndaambi mbungano eyi, pele Nda amba mambungano Nge bona, kuti na wa... We elede kuyanda mweembeli wako. We elede kuziba kuti walo muntunsi, pele nekubaboobo Leza waka mubamba mweembeli Wakwe. I Muuya Uusalala wamubamba kuba mulinguzi, mpawo weelede ku mulemeku mu ciyanza eco. Elyo takukwe makani eco mweembeli nca cita, ikuti na wa mulemeku mu moyo wako, mbuli mulanda wa Leza, Leza uyo kulemeku kucicita.

¹⁶⁶ “Oyo walo—oyo uu Ndi tambula, walo uu Mu tambula oyo waka Ndi tuma,” Jesu wakaamba. “Oyo uta Ndi tambuli, takonzyi ku Mu tambula.” Mwabona, ba kati Leza wakali Wisi wabo; Wa kati, “Uso ngu dyabulosi.”

¹⁶⁷ Aboobo, nywebo mwabona, mweelede ku cilemeku a kucisyoma, amusyome kuti Mbwa bede. Iiyi, Marta waka cisysoma.

¹⁶⁸ Elyo eco ncintu comwe ciniini Nce uma cifumo cino, oyo mwanakazi muna Sirofonika ciindi eco nakali kuboola. Amulange obo mbwa akakwa, cabubi. Ngooyo Mbwa kabede, mu Juda; waa kali Munamasi, nkabela waa kazuzila kuli Nguwe. Ta kazi nzila yaku Mu langanya, pele waa kajisi kubula, alimwi waa kalizi kuti Wa kali oyo Mwana wa Leza. Waa kacisyoma. Waa... Ikuti—ikuti na Leza uyo ingula mupailo Wakwe nkambo ka bamwi, inga Uyo ingula mupailo kuli nguwe. Elyo waa kalizi eco Nca kaamba kuti lyakali Ijwi lya Leza. Ikuti na lyakali Ijwi lya Leza kuba Juda, lyakali Ijwi lya Leza kuli Bamasi, akwalo, kufumbwa Nca kaamba. Elyo Jesu waka mupa kubetekwa. Waa kati, “Mwami, koba aluse!” Lino amulangilile. Peepe, Wa kati... “Yebo Omwana wa Davida,” nkaambo waa kamvwa ba Juda kabati, “Yebo o Mwana wa Davida.” Lino, Ta kali Mwana wa Davida kuli nguwe. Mwabona? Elyo Wa kati... “Yebo o Mwana wa Davida!” Eyo nja kalinooba nzila mu Juda mbwa kalino cilanganya, nkaambo waa kabamvwa boonse babo. Waa kasola kuboola mbuli mbo bakacita, nkaambo waa kali kusola kujana kulemeku. Waa kali kusola kutondezya kulemeku kwakwe. Alimwi ta kali kuzwidilila nconzyo; Jesu naka zyiba ikuti na cakali kuba. Peepe, Na ka ciziba. Aboobo mbuli mbwa kayutuka, waa kati, “Yebo Omwana wa Davida, koba aluse ku

mwana wangu musimbi, nkaambo ula penzegwa bwandeene ku daimona.”

¹⁶⁹ Wa kanyona a kumulanga, a kuti, “Ta ceelede kuli Ndime kubweza cinkwa ca bana, a ku cisowela babwa.” Fyuu! Sa oyo takali umwi? Oyo wakali umwi! Kutali buyo kumukakila aa nkumbizyo yakwe, pele waka mwiita kuti “mubwa.” Mbo mbubo. Elyo mubwa ndimwi lya mazina aansi maningi Bbaibbele ngo lijisi, nywebo mulizi. Aboobo Wa kati, “Ta ceelede kuli Ndime kubweza cinkwa ca bana, a kucisowela ku babwa.”

¹⁷⁰ Waa kati, “Obo mbwini, Mwami” “Mwami,” mpawo waa kabujana. Ta kali Mwana wa Davida kuli nguwe, pele Wa kali Mwami. Kati, “Mbwindi, Mwami. Mbo mbubo, pele bana balya tufwefwelenga kunsi lya i...Na, Nda amba, i—i babwa bakalya tufwefwelenga kunsi lya tafule lya simalela.” Eco caka cijana. Eco cakali ncico. Obo bwakali bulemu.

¹⁷¹ Jesu waka muvuulukila, kati, “Lusyomo lwako ndupati. Lino koya ku muunzi, uyo jana mwana wako musimbi mbuli mbo ka cisyoma.” Nce ncico. Nkaambonzi? Wa kali kuswena kwakwe.

¹⁷² Ino kuti naka cebuka a kwaamba... Wa kanyona, kati, “Ta ceelede kuli Ndime kubweza...” Mu majwi amwi, “Ta cili kabotu.”

¹⁷³ Kwaamba, muna Katolika waboola a kwaamba, “Oh, Mukwesu Branham, Ndi lizi kuti Leza ulaingula mipailo yako ku bantu aba awa. Sa ulandi kombela?”

¹⁷⁴ Elyo inga Nda amba, “Ee, ta ciluleme kuli ndime kubweza ciindi ca bana aba atala awa. Ndili waano kukombela aba ba Pentekoste, kutali ndinywe no cikama ca ba Katolika.” Mwabona? Ino na kaamba nzi? Oh, muntu, Nda yeeyela na kajintauka kuzwa awa mbuli zintuzyonse. Mwabona?

¹⁷⁵ Pele waa kanyona a kwaamba, “Obo mbwini, Mwami. Obo mbwini, Mwami. Pele tuli—tuli libambilide, babwa bali libambilide kulya tufwefwelenga kunsi lya tafule lya Simalela.”

¹⁷⁶ Mwabona, eco caka Mu jata cakufwambaana. Wa kanyona a kuti, “Lusyomo lwako ndupati.” Elyo mpawo tu jana kaambo kambi... Mwabona, kwakali kulanganya kwakwe, kulemekwa kwakwe. Waa kali kulemekwa Leza mbuli mbwa ka Mu lemeka.

¹⁷⁷ Aboobo tu jana kuti ciindi cimwi kwakali muna Roma, alimwi wa kali muntu mulemu, nkabela wa kali kuyanda ba Juda. Elyo wa kajisi mulanda waka cisidwe. Mwini, ta kalimvwa kweelela kuunka kulomba Jesu.

¹⁷⁸ Mwabona, lyoonse uyanda kulimvwa kuceya loko kwiinda mbobede. Uta kabi mupati mu busyu bwako. Mwabona? Lino, alimwi ikuti na uli mupati, lekela muntuumwi umbi ku caamba kujatikizya nduwe. Mwabona? Pele lino cindi yebo, oyu mwanakazi na... .

¹⁷⁹ Oyu muntu, mubwini, wa kati wa kali musunguli muna Roma alimwi wa kajisi mulanda ucisidwe, aboobo wa katuma kubweza oyu muzike waka cisidwe kuti kaponesegwa. Elyo Jesu wakati, “Ndiyo boola umuponye.”

¹⁸⁰ Aboobo mu lweendo Lwakwe, muna Roma waka Mu bona kaboola. Nda yeeyela wa kati, “Oh, ma, mpaawa kwasika Umwi Uusalala. Mpaawa kwaboola oyo Umwi Uusalala. Ee, Ndili Munamasi uutali kabotu. Ndili—Ndili—Ndili musunguli muna Roma, Ndili geniro mupati, na—na silutwe. Ta—Ta—Ta—Ta ndili mu Juda wini, Ta ndi jisi nguzu ku Muntu oyo Uusalala kaboola.” Mwabona bulemu? Mwabona? “Nse jisi nguzu zyakuba a Mulanda Uusalala oyo kaboola ku ng’anda yangu.”

¹⁸¹ Ka Mu bona kaboola ku mulyango, nkabela wa ka Mwiita, kati, “Mwami, Ta—Ta ndeeeli kuti Uboole kunsi lya ciluli cangu.” Antela waka jisi palesi ya muunzi, bali mwaanda. Kati, “Ta ndeeeli kuti Uyo boola kunsi lya ciluli cangu. Elyo Nse—Nse kayeeya lwangu kweelela akwalo kaboola kuli Nduwe, aboobo Nda katuma bamwi bantu Bako—Bako Beni balelekedwe, ba Juda. Pele Ndi jisi mulanda okuno oyo ucisidwe loko.” Elyo wa kati, “Ndili muntu wa bwami,” kati, “Nda amba kuli oyu silumamba kuti, ‘Koya,’ elyo ula unka. Nda amba kuli oyu umwi, ‘Ko boola,’ nkabela wa boola.”

¹⁸² Ino wa kaamba nzi awo? “Ndi lizi kuti Uli jisi nguzu zyoonse. Inga waamba ku bulwazi obu, ‘Koya,’ nkabela bula unka. Elyo inga waamba kuli oyu umwi, ‘Bool,’ nkabela ciyo boola.” Mwabona, wa kaziba. Elyo mbuli mbwa kajisi bwami kuli basilumamba aba, aboobo Jesu waka jisi bwami ku kuciswa a malwazi onse. “Cintu biyo Neo elede kucita, Mwami, nku kanana buyo Ijwi!” Nce ncico! “Kanana buyo Ijwi, mulanda wangu ula pona.”

Jesu wakaima, wakanyonena kuba Juda, kati, “Nse jana lusyomo mbuli olo mu Israyeli.”

¹⁸³ Wa kati, “Kuli kabotu ku mulanda wako.” Ameni. Nkaambonzi? Nkaambo wa ka cilemeko. Wa kalemeko Jesu Kristo Oyo wakali i—Leza wa Julu.

¹⁸⁴ Lino, Ndi yeeyela kuti ciindi ciya bumana. Ndi yanda buyo kwaamba cintu comwe cimbi, nceeci. Koonse kulemeko oko kupati, a zimwi zimbi; pele sunu, munzila imwi, cili andeene. Leza inga wacita cintucimwi sunu, nkabela bantu bayo ciseka. Nda syoma kuti twali andeene sunu, kutandila myaka ili makumi one yakainda cindi Muuya Uusalala niwa katalika kuwa, pele ino inga bantu bacita nzi? Kaanga bakambausi, kabaita kuti babumbulusi basalala. Kaunka ku i...Taka basanina akwalo mu madolopo, a zintuzyonse mbuli ezyo; elyo baka tyola mapopwe mu mikondo ya njanji, kuponena kuli ngawo. Ino bakacita nzi? Ba kajisi myaka imbi ili makumi one, mbungano

ijisi, kupenga, kainda mu zintuzyonse, nkondo zyobilo mu ciindi eco cinji, mwabona, ya kajaiya zyuulu zya mbabo; cindi, antela waa kaunkide kale ku Muunzi.

¹⁸⁵ Lino, eco ciyo citika, cindi Leza nakatalika kutila Muuya Uusalala aa mbungano mu mazuba aakumamanino, ncinzi cakacitika myaka ili makumi obilo ayosanwe yakainda cindi Na katalika kutuma kumusanza zitondezyo Zyakwe a zigambyo a maleele, ino ncinzi cakalino citika na bantu bonse baka cipupila? Ino bakacita nzi? Ba kati, "Ngu sikuleta ntuko, makani akubiba, ngu sikukwabana mizeeo, ngu eci, eco, na cimbi." Ino kuti masi oonse nakaunka antoomwe a kwaamba, "Lilelekwe Zina ly a Mwami"? Ino kuti ba Methodisti aba Baptisti, aba Presbyteria a boonse, niba kaswaanganya maanza antoomwe akuti, "Alumbwe Leza, nceeci nco twa kalangila. I Muuya Uusalala uli muku tilwa. Baa, mbaaba bantu babona zilengaano, mbaaba basinsimi akati kesu, nzeezi zipego ezi zyoonse zipati awa, bakanazi a myaambo, mbaaba basikuponya ba Buleza, nzeezi zintu zyoonse zili muku tilwa aali ndiswe. Kulumbwe kuli Leza, lwakaboola kwiinda mu nkamu niini iibombede iitegwa ba Pentekoste. Toonse atu jokele ku Bbaibbele alubo. Atu jokele, bakwesu, kumwaya tubunga twesu, a boonse kuba babunyina bomwe"? I mambungano mapati antoomwe ayo boola antoomwe, ncinzi ciyo citika? Mukwesu, inga akwalo nikwa tayandika kuba a cibbadela mu cisi sunu. Mbo mbubo. Peepe, kwakali zipego a zigambyo zipati loko kazibeleva akati ka bantu, nikwakali kulemeku kuli boobo, alimwi antela mbungano yakalino unkide ku Muunzi a Mileniamu niya kacitika.

¹⁸⁶ Pele, peepe, baka cinyansya. Ba kabaita kuti babumbulusi basalala. I mitende yakalindila kwaamba kubisyabisya konse, cintu catombe nco bakali kukonzya a kubikka mankandya onse atombe kuli ncico mbuli mbo bakali kukonzya, a zintu mbuli ezyo, a mambungano kaalila mbuli kandonki a ku ciseka, a—a ku bafubaazya, a kuba tanda akusola kuba ngusya mu madolopo, a zintuzyonse zimbi, a kunyansya. Lino, inga Nda amba kunji kujatikizya ceeco, pele ciindi ciya bumana.

¹⁸⁷ Andi boole ku Branham Tabernacle, akaka. Lino Leza watalika kutila zipego ali ndiswe. Tula cibona. Lino, ino cipego ca Leza ninzi sunu? Sa Muuya Uusalala, Walo Muuya Uusalala uli muli ndiswe. Twe elede ku Ci lemeku eco. Twe elede ku Ci lemeku aa muntu oonse Mpo ciboola. Twe elede ku... kupa...ku zipego zya Leza zya Buleza. Cindi Na tuma zipego ezyo, takukwe makani obo mbo zili zya kasimpe, ta cika tugwasyi kusikila twa sika ku busena mane inga twa cilemeku. Muntuumwi inga wapa cisinsime; ikuti na tosyomi mu cisinsime eco, tacika kugwasyi pe. We elede kuba alulemeku alimwi weeleda ku lulemeku. We elede kusyoma kuti cizwa kwa Leza.

¹⁸⁸ Ko cisyoma mane catondezegwa buteelede. Mpawo cindi catondezegwa buteelede, mpawo uli jisi nguzu zya kuunduluzya,

mpawo uta swaanganyi limbi a ncico. Pele kufumbwa kuti catondezegwa kuba bwini, mpawo amu cisyome.

¹⁸⁹ Mbuli Samuele mudaala mbwa kaamba buzuba obo cindi nibakali kuyanda mwaami. Wa kati, “Ndi yanda ku mubuzya cintu comwe. Sa Nda kasola kubweza mali aanu ali oonse kuzwa kuli ndinywe? Sa Nda kasola kumulomba zya kuponena? Na, sa Nda kasola ku mwaambila cintu cili coonse mu Zina ly Mwami cita eco cakacitika?” Wa kati, “To yandikani mwaami, nkabela mwaami wako taka gwasyi.” Elyo wa kabaambila. Wa kabaletelu mubuzyo, kati, “Sena Nda kasola kumwaambila cintu cili coonse mbuli MBUBOOBU MBWAAMBA I MWAMI pele ncinzi cakacitika?”

¹⁹⁰ Lino, mpawo balo bantu ba mukanyasya Samueli. “Oh, tu lizi, Samuele. Mbo mbubo, yebo, ta tukonzyi kwaamba kuti to ka twaambila cintu cili coonse... eco caka luleme, pele, pele nekubaboobo tu yanda kucicita nzila *eyi*.” Mwabona? Ta mweelede kucicita ceeco. Mweelede kucicita mu nzila ya Leza.

¹⁹¹ Cindi twa tambula Muuya Uusalala, tauli kusukana maanza a mweembeli. Kutambula Muuya Uusalala nkutambula Kristo muli nduwe, nkaambo Walo Mutumwa wa Leza wa buzuba. I Muuya Uusalala walo Mutumwa wa Leza, alimwi twe elede ku Mu lemeka. Cindi A boola, utaambi kuti, “Hoo! Hoo! Hoo! Langa ku mwanakazi oyo kaongolola alya, a kulila, misozi kiimbulumukila aa masaya akwe. Amulange muntu oyo okuya, kasukana maanza akwe a kukankama a kulila. Nywebo mulizi mbo cibede? Eco ncikama ca kunyanyamukwa.” Uli mukusanka Muuya Uusalala. We elede kulemeku Eco.

¹⁹² Amuyeeye, okuno ciindi cimwi cainda Nda kali mu Oregon, kutandila, kali kutandila myaka ili kkumi aibili yakainda. Elyo basimbi bobilo baniini ba Katolika bakasika kumusanza. Kutali kuti bakali ba Katolika, taakwe cita buyo obo; nkaambo Nda kajisi ba Protestant banji, a ba Protestant banji kwiinda Mbe jisi ba Katolika, bandi fubaazya. Elyo—elyo—elyo aboobo basimbi aba baka selemukila kupa bulunguluzi. Aboobo mbo baka njilila buyo omuya, Nda kajata muuya mbo baka njilila buyo, elyo Nda kati, “Ncibotu, lino ino nkujana butongo kuli nco jisi mu kwaanza kwako lino?” Elyo musimbi oyu wakasomona musanga watombwe a katalika, elyo Nda kati, “Uta yasyi oyo kuciindi noli mu kaanda kangu. Kousiya buyo ulikke.”

¹⁹³ Aboobo kokkala awo aniini, elyo waa kandilanga mbuli kuti waa kali kukonzya kuzuza kwiinda muli ndime, mbuli boobo, elyo waa katalika kwaambaula imwi. Waa kati, “Ee, Ndi yanda ku kubuzya mibuzyo imwi.”

Nda kati, “Ko wamba.”

¹⁹⁴ Waa kati, “Mbobuti mbo boola kuti uli swaangene a nkamu eyi ya babumbulusi basalala atala awa?” Kati, “Sena uli umwi wabo?”

Nda kati, “Ndili umwi wabo.”

¹⁹⁵ Elyo waa kati, “Ee, sena undaambila kuti inga kwaba cintu cili coonse cabuleza kujatikizya ceeco?”

Nda kati, “Kutali kuli nduwe, mbuli muna Katolika, inga to cisyoma.”

Waa kati, “Mbobuti mbo ziba kuti Ndili muna Katolika?”

¹⁹⁶ Nda kati, “Ndi lizi kuti uli muna Katolika. Ndila kwaambila zina lyako mbolibede, mwabona, alimwi kuti nduweni.” Eco caka mugwisya ku matende aakwe.

¹⁹⁷ Waa kati, “Ee, waamba kundaambila kuti oyo musyobo wa bantu, ba lati, bayo pona ano aa nyika a kuba ku Julu?” Waa kati, “Inga nseyanda kuba ku Julu a bantu bali boobo.”

¹⁹⁸ Nda kati, “To elede kulibiliaka maningi. Kufumbwa kuti koyeeya munzila eyo, to kabiko, nekuba, wabona.” Nda kati “To kabi a kulibiliaka kuli koonsce kujatikizya ceeco.”

¹⁹⁹ Nda kaima buyo, kamulanga moonya mu busyu. Elyo i—i bakwesu basyoonto bakali kkede mu buyake. Nda kati, “Nse nyonganisigwi lino. Ndi—Ndi yanda buyo kukuzibya awo mpo imvwi, wabona.” Elyo Nda kati, “Uyo lemba, yanda kuboola okuno kuzo ziba zintu zimwi, alimwi inga tolemba eco Nce kwaambila. Uyo cibamba kuba kaano kako keni. Ko zumanana a kucita ceeco, pele Ndi yanda ku kwaambila cintu comwe. Ko lemba kufumbwa cintu cibbi nco yanda, alimwi” Nda kati, “kotana kufwa, jwi lyangu liyo jokela mu matwi aako. Ikuti na ta ciciti, nkokuti ulizi kuti Ndili musinsimi mubeji.” Nda kati, “Lino, kolemba buyo kufumbwa nco yanda, cili kuli nduwe. Nda kupa bulubusi bwa kuunka kolemba eco nco yanda. Pele kotana kufwa, uyo mvwa jwi lyangu kalikwiila mu matwi aako. Tali kaku gwasyi.” Nda kati, “Lino ko zumanana a kulemba eco nco yanda.”

²⁰⁰ Waa kaima awo aniini. Waa kati, “Ee, ino uyeeya nzi kujatikizya nkamu eyo ya ziyanga kutala okuya, ikwiila a kulemeku bumwi busiku bwainda?”

Nda kati, “Boonse Mbanakristo.”

“Munakristo?”

²⁰¹ Nda kati, “Masimpe, balo Mbanakristo.” Nda kati, “Balo Mbanakristo, bazwide Muuya Uusalala.”

Elyo waa kati, “Oyo tauil Muuya Uusalala.”

²⁰² Nda kati, “Ino inga waita nzi Muuya Uusalala?” Mwabona eco nca keelede kwaamba kujatikizya ncico. Nda kati, “Ndi yanda ku kwaambila cintucimwi.”

²⁰³ Waa kati, “Ee, inga Nse yanda kuli swaanganya a nkamu mbuli eyo.”

²⁰⁴ Nda kati, “Nse yeeyi kuti kuli ntenda mpatti,” Nda kati, “kuli nduwe kusola kuswaanganya mbuli boobo.” Nda kati, “Nkaambo,

ikuti na wakasola kubeleka a Leza na a basalali bali boonse, inga uyo swaangana mbuli boobo.”

Waa kati, “I basalali ba Bbaibbele?”

²⁰⁵ Nda kati, “Iiyi.” Nda kati, “Nakalindu ‘Wako ulekedwe Mariya,’ wa mwiita, nkaali kaleza kako kanakazi,” Nda kati, “Leza katana sola kumulekela kusika ku Julu, waa kacita kuunka kutala ku Buzuba bwa Pentekoste a kutambula Muuya Uusalala, a kudadalika kunsi lya Nguzu zya Leza mbuli mwanakazi mukolwi.”

Waa kati, “Obo mbubeji.”

²⁰⁶ Nda kati, “Ko umuna buyo kwakaindi kaniini.” Nda kavununa awa ku Bbuku, elyo Nda kati, “Langa awa,” ka vununa. Nda kati, “Nceeci we cili moonya mu Bbuku.” Elyo waa kanyona mutwe wakwe. Nda kati, “Tamu jisi camba ca kubala Ijwi lya Leza.” Mwabona? Nda kati, “Masimpe.” Mwabona, cakutalemeka. Nda kati, “Lino inga watola cikama cako ca misanga yatombwe kuzwa ku tafule okuya, a kuunka cindi wali bambila.” Pele Nda kati, “Ndi yanda kuti uzibe cintu comwe. Kolemba kufumbwa neco yanda, pele koyeeya majwi amamanino Nge amba, ‘Mu Zina lya Mwami, uyo ciibaluka kotana kufwa.’” Taakwe cintu nca kalemba. Mbo mbubo. Waa kacilekela buyo kuunka.

²⁰⁷ Ino ncinzi? Kutalemeka, kusola kufubaazya, kucita cintucimwi. Ta bazi eco neco bacita. Mbo mbubo.

²⁰⁸ Pele omuno mu cikombelo, tu yanda kuti nyoonse muzibe zintu ezi awa. Cindi Leza atalika kutila Muuya Uusalala aa bantu, ziindizimwi Ndi lizi Nda kabona bantu kaba njila mu nyama cindi nibakali—cindi nibakali kunsi lya bunanike bwa Muuya, Nda kababona kabaunka mu kwiindilizya a zintu, pele utaambi cintu kujatikizya ncico. Ko cilemeka, kukotamika mutwe wako. Inga tii wacimvwisyta, naanka kuti inga Nda cita, pele Ndi yanda ku cilemeka, nekuba. Lino, tweede kuba a kulemeka kuli Leza. Elyo cindi Leza atila Muuya Uusalala, Nda lumba buyo, kwaamba, “Ndaku Lumba, Taata Wakujulu. Uli mukucita cintucimwi ku buntu obo buyandisi obo buyanda kuboola ku Muunzi Wako, mbuli Mbwe cita, buzubabumwi.”

²⁰⁹ Elyo Nda bona baalumi, mbuli okuno ciindi cimwi mukwesu uli mu mulimo wakaamba kuti Nda kaambaula kujatikizya nguwe. Elyo twa kaunka a kubweza mateepu oonse a kutuma kuli nguwe. Wa kali Mukwesu A. A. Allen. Elyo wa kati Nda ka mufubaazya kwaambaula makani aa bulowa kuzwa mu janza lyako a—a kwiita kuti citondezyo citaanzia ca Muuya Uusalala, elyo—elyo Nda syoma bwakali bulowa a mafuta kazwa mu maanza akwe a nkumu, a zintu. Wa kati oyo wakali—wakali kuti Nda kafubaazya oyo a kumwaambilka kuti wakali dyabulosi. Nda kasandula, Nda kamu lembela buyo lugwalo, Nda kati, “Mukwesu Allen . . .” Wa kalemba kabeela elyo wa—wa kabala,

“Oyandwa Mukwesu Branham.” Mwabona? Elyo aboobo mpawo kumwaya tubbuku ku cisi coonse, mubusena bwa kuboola a kundi bona kujatikizya ncico, wa kacita ceeco.

²¹⁰ Pele lino nceeci Nce kaamba, Nda kati, “Ndiyo tola masiku oonse ali cisambomwe ku Phoenix, a ku kutumina mateepu anguaku kutondezya.” Eco Leo a bamwi ba kacita, a kutuma mateepu kuli mbabo. Nda kati, “Ciindi comwe biyo zina lyako nilya kaitwa. I bantu bakabikka aa desiki lyangu, a kuti, ‘Mukwesu Branham, Mukwesu Allen wakali buyo mu dolopo a ku twaambila kuti “citondezyo citaanzi ca Muuya Uusalala cakali kuzwa bulowa mu maanza a kuzwa malowa mu busyu, a mafuta kaloka kuzwa mu janza lyako, eco cakali citondezyo citaanzi.””

²¹¹ Nda kati, “Ta ndizuminani a Mukwesu Allen aali eco kuba citondezyo citaanzi ca Muuya Uusalala, nkaambo kwakanyina amwi mu Bbaibbele awo mpo bakasola kuzwa malowa ku maanza, a—a mafuta akazwa ku busyu bwabo a maanza, kutondezya kuti baka jisi Muuya Uusalala.” Nda kati, “I Muuya Uusalala wakali Nguzu zya Leza mu maumi abo. Elyo Jesu wakati, ‘Ezi zitondezzyo ziyo batobela abo basyoma,’ mwabona. ‘Mu Zina Lyangu bayo tanda madaimona,’ abumwi bumbi.” Pele Nda kati, “Nceeci cintu comwe ncenga Nda amba kujatikizya Mukwesu Allen, walo muntu mulemu wa Leza. Elyo ikuti na Nda konzya kukambauka kabotu mbuli Mukwesu Allen mbwa konzya, inga Nse ba a mulimo wakuponya, inga Nda kambauka buyo Makanimabotu.”

²¹² Mpawo, mwabona, nakamana kulemba pepa eelyo a zintuzyonse, kuti Nda “kacita ceeco,” ali ceeco buyo muntuumwi umbi nea kaamba. Pele akwalo Nse kazuminana a mukwesu aa Iwiiyo lwakwe lwabukombi, inga Nse yanda kusanka mukwesu nconzyo.

²¹³ Elyo mpawo nkeimvwi mpoonya alya, kutala okuno ku Minnesota, busiku obo, mu Minneapolis, Minnesota, nkabela kwakali mu cikombelo eco cipati, tempele, a Gordon Peterson. Elyo oyu mulombwana wakalemba bbuku eelyo ku A. A. Allen, a kwaamba zintuzyonse kujatikizya nguwe zyakali kukonzya kwaambwa, a kuti, “Wa kajisi camba ca kulemba bbuku eelyo lya *Madaimona Aaluma*, kujatikizya mwanakazi oyo, katondezya mbata mu maanza akwe awo dyabulosi mpa muluka, a zintu mbuli ezyo.” Lino Ndi—Ndi masimpe... (Ta ndizi naa inga caba bwini na pe, nkaambo dyabulosi walo muuya, nywebo mwabona; pele oy mwanakazi waka taminina kuti wakasika dyabulosi mupati waboya bunji aku muluma konse ku maanza a koonse ku busyu, a zintuzyonse mbuli ezyo.) Elyo wa kati, “A. A. Allen wakalemba bbuku eelyo.” Elyo muntu wakalemba bbuku, wakalemba caano cibotu kujatikizya ndime, elyo ngooyu wakali kkede moonya mu muswaangano masiku ayo (cindi Mukwesu

Peterson abamwi niba kaboola kundaambila, ngooyo uli kkede), nkabela wakali kundi dundaizya, a kunikanika A. A. Allen.

Nda kayeeya, "Nceeci ciindi Nce konzya kulumbaizya Mukwesu Allen."

²¹⁴ Aboobo Nda keenda kuzwa awo, elyo Nda kati, "Ndali kubala awa caano mu mutende sunu kuti oyu muntu umwi uli mu dolopo, kutali . . ." Mukuziba kuti wakali kkede nkoonya okuya. Nda kati, "Wa kati awa kuti A. A. Allen, a kukazigwa koonse." Nda kati, "Nekubakuti Nda lumba muntu kwaamba kulumbaizya kujatikizya ndime oko nkwa kacita," Nda kati, "kuti Nse kali ku mali a zintu mbuli ezyo, a kupanga miswaangano iisalala loko ya umwi wabo, a zimwi zimbi, zintu zibotu nzya kaamba." Nda kati, "Nda lumba eco. Pele ikuti na muntu oyo wakalemba caano eci awa mu mutende, tana kalingula bulempo bwakwe munsi loko kwiinda kwaamba A. A. Allen wakalemba eli lya *Madaimona Aaluma*. A. A. Allen taakwe nakalemba bbuku eelyo. Ndi lizi muntu oyo waka lilemba." Nda kati, "Ta kalemba bbuku pe. Alimwi mwaalumi nakasola kulingula caano cakwe kabotu loko kwinda boobo, Nda zumbauzya kuti bamwi abo mba kasola kwaamba kujatikizya Mukwesu Allen mbwini." Kwiiminina Mukwesu Allen. Elyo Nda kati, "Kunze, ikuti na Mukwesu Allen wa kalubizya, Inga ndasala kujanwa ku Mungwala wa Lubeta kubweza kwiima kwangu a Mukwesu Allen mu bulubizi, cindi nasola kuli janina bantu kuli Kristo, kwiinda kuba sikukazya eco muntu ncasola kucita." Ameni. Mbo mbubo. Iiyi, munene.

²¹⁵ Kufumbwa oyo wiita aa Zina lya Jesu Kristo, Ndili a nguwe naa ngwa Protestanti, Katolika, na kufumbwa mbwabede. Inga—Inga nse zuminana a nguwe aa lwiiyo lwabukombi, pele Ndi yanda ku mulemeka mbuli mulanda wa Kristo a mbuli mukwesu wangu. Mwabona? Elyo tacikwe makani eco nca cita, twe elede kupa bulemu ku Muuya Uusalala. Mbombubo ncobeni. Iiyi, munene. Elyo cindi twa talika kucita ceeco, mpawo Leza uyo unka kutila zilongezyo Zyakwe akati kesu. Buyo swoebi, nkamu niini mpoonya awa, kutandila bantu bali makumi osanwe na makumi ali cisambomwe, na ambweni bantu bali makumi ali ciloba aosanwe bakkede omuno sunumasiku, ikuti na twa buyo, toonse antoomwe, twaanga antoomwe a kupa bulemu bwabuleza kuli Leza a ku Muuya Uusalala, a ceeco Nca cita mu buzuba obuno, a kulemeka cipego coonse a mulimo oonse oyo Ngwa tuma akati kesu, Leza uyo zumanana buyo kutila Muuya Wakwe ali ndiswe nkabela tuyo komena mu myeelwe a kuvuzizya. Sena mula syoma obo? Masimpe. Twe elede kuba a kulemeka kuli Leza.

²¹⁶ Atu kotamike mitwe yesu kwakaindi kasyoonto ku mupailo. Katu tana unka ku mupailo, Ndi yanda kuziba ikuti na kuli umwi omuno uyanda kwaamba kuti, "Mukwesu Branham, Ndi yanda kuti undi kombele, kutegwa Ndi be akulemeka kupati kuli

Leza, kuti lyoonse Njo konzya kujala mulomo wangu kulwana zintu zya Leza, takukwe makani obo mbo zibede, alimwi akube kuti Leza abikke mu moyo wangu kulemekka cipego coonse ca Buleza Nca tuma mu mbungano.” Walombwa utambike buyo maanza ako, a kwaamba, “Kondi kombela.” Leza aku longezye. Kutandila maanza oonse mu mbungano, alimwi Nda cita lyangu mujulu, ambebo.

²¹⁷ Leza, ndigwasye kuba mulanda Wako. Ndi gwasye kulemekka bakwesu bangu, ndigwasye kulemekka bacizi bangu. Elyo oonse Muuya wa Leza uboola mu muswaangano, naa kwaambaula mu myaambo, naa mbu panduluzi bwa myaambo, naa cibe cisinsime, naa nzipego zya kutweluka, kufumbwa mbo cibede, Nda amba, “O Mwami Jesu, koba tuma. Koba tuma, O Mwami. Ndili lumbide kuli Nduwe.”

²¹⁸ Lino, Taata Wakujulu, tu lizi kuti Nduwe Leza mupati a uyoosya. Tu lizi kuti bukali Bwako bula yoosya. Cindi lomwe Wa lunyemo Lwako, baa, calo—calo ncintu ciyoosya. I bukali bwa Leza inga bwanyonyoona inyika mu kawwalu. Pele cindi Wa langa ansi aa Bulowa bwa Mwami Jesu, mpawo bukali Bwako bula tantamunwa. Oh, kondi sisa mu Mwaala wa Makkalo! Mwami Leza, vumba buntu bwangu mu Bulowa bwa Mwami Jesu. Kutali buyo wangu, Mwami, pele abo bali omuno, abalo, sunumasiku. Tula Ku yanda, Mwami. Elyo cipego coonse eco Neo katupa, nekubakuti bala twiita cili conse nco bayanda kucita, Mwami, eco nekuba tac... yandi eco kuba a cintu comwe cakucita a ncico, tu ci Ku lemeka, Umwi mupati, Muuya Uusalala mulemu. Tula Ku yanda, Taata.

²¹⁹ Twa Ku lumba ku cipego ca kuponya akati kesu. Twa Ku lumba ku cipego ca businsimi akati kesu. Twa Ku lumba ku cipego ca myaambo, a cipego ca bupanduluzi. Elyo, O Leza, twa komba kuti Uyo zumanana kutuma zipego akati kesu, zipego zya Muuya Uusalala mulemu. Kwiinda zintu zyoonse, Mwami, tujis kulumba kupati mu moyo wesi nkwa Cipego eco, cipati coonse ciyandika, ca Jesu Kristo. Twa Ku lumba ku luzyalo Lwakwe a luse Lwakwe, Oyo uubamba zintu ezi zyoonse ziniini zimbi kweelela kuli ndiswe kwiinda ku kupenga Kwakwe kugaminina a kuzwa bulowa aa Kalivari. Ula salazya bantu banamaleya abo ba Mu mvwa munzila yakubotelwa.

²²⁰ Elyo, Mwami, tuli kkomene loko kuti Wa kaboola ku bantu banamaleya. Mu Bbaibbele, mu Bbuku lya Musalali Luka, tula bala eco, “I bantu banamaleya baka Mu mvwa munzila yakubotelwa.” Sunu baamba kuti, “Oh, eco ncikama buyo cabuleya.” Pele, Mwami, eyo nje nkamu yaka Ku mvwa cindi Ni wakali omuno mu mubili. I bantu banamaleya baka Ku mvwa munzila yakubotelwa. I basikamikami, bavubi, a banji abo bataka Ku mvwa. I bami, baleli, bapaizi ba buzuba, tiiba ka Ku mvwa. Pele bantu banamaleya baka Ku tambula.

²²¹ Elyo, Taata, sunumasiku, tuli bantu banamaleya, nkabela twa Ku tambula cakukondwa. Tuli kondedwe mbuli mbo bakabede cindi niba kajoka kabatangala, a kuyeeya kuti cakali cintu cibotu loko, a kukkomana nkaambo bakali kukonzya kuyumuna sampa lya Zina Lyakwe, cindi niba kaba sampaula a kubaita zintuzyonse. Elyo bakali kkomene kapati, nkaambo cakali coolwe kuli mbabo kupenga nkambo ka Zina lya Jesu Kristo. Taata Leza, tula lisanganya tobeni a basikwiya ba buzuba obo, a kwaamba kuti, "Twa kkomana."

²²² Nda ima sunumasiku mbuli Musalali Paulo wakale, cindi nakaima kumbele lya Agripa, elyo wa kati, "Mu Nzila itegwa nkuleya, nkusondoka, nje nzila Mbwe komba Leza wa matata esu."

²²³ Elyo cindi Agripa nakati, "Paulo, lwiiyo lunji loko lwa kusondola."

Wa kati, "Nse sondokede, O Agripa."

²²⁴ Elyo mpawo kumalekelo wa kanjila mu busena, wa kati, "Yebo utandila kundi sungilizya kuba Munakristo."

²²⁵ Wa kati, "Ndi yanda kuti mwakali mbuli Ndime, akwalo kakutakwe nketani ezi zya bwaange."

²²⁶ O Leza, olo luyandisyo Paulo ndwa kajisi, wa kati nakaba mutuke, kutegwa bantu bakwe baka futulwa. O Taata Leza, kotupa luyandisyo kuli umwi aumwi mbuli boobo. Kotupa luyandisyo olo lutafwi, kulilemeka oko kweelede, oko kulemekwa kuli umwi aumwi, kuba Munakristo ukkwene kuluwa luwa bulubizi bwa umwi, ku luwa. Nkaambo muntu waka lelekwa kuli Leza; alimwi inga wa lubizya. O Taata, tu talangi ku bulubizi obo, mukuziba kuti oyo mukwesu muyandisi kuti ambweni Saatani waka muca mu cintucimwi. Pele ikuti na wa kacita, twa komba, Mwami, kuti Uyo mugwasya na walo kuzwa mu busena obo, kuti tuyoooba a luyandisyo mu myoyo yesu kutobela mbelele zisweekede a kuzijosya ku cimpati. Ko cipa, Mwami. Kotu jatila nsotoko zyesu, mbuli mbo tulekelela abo batu bisizya. Ko cipa, Mwami. Ta tweenzyi mu kutepaulwa, pele tuvune ku bubi. Nkambo Bwami mbu Bwako, a nguzu, a bulemu, kwalyonse. Ameni.

[Mukwesu Neville wapa kukulwaizya—Mul.] Ameni. Ameni. Ameni.

Ndaku Lumba, Mwami. Ndaku Lumba, Taata. Ulu Mbaikizgwe, O Muntu Uusalala.

²²⁷ Ino Uli wabulemu, Taata! Obo mbo tu Ku lumba, Mwami! Ino cilagwasya kumvwa Busyu bwa Muuya Uusalala a ku Mu mvwa kaambaula kwiinda mu milomo ya muntunsi, kuli ndiswe, kasimpikizya kuti Walo ucili Leza, alimwi akati kesu. Twa Ku lumba kuli ceeci, Taata. Ko zumanana a ndiswe, Mwami. Ko

tukkazikilamoyo, kutegwa tube bantu Bako. Kwiinda muli Jesu Kristo twa cilomba. Ameni.

²²⁸ Sa tacili cibotu kuba Munakristo? Sa tacili cibotu kuziba Leza a kuziba Busyu Bwakwe? Ku yeeya sunu, lino, obo Mbwa kacita ceeci akwalo ku ciindi cabili. Sunu Wa—Wa kanana ku mucizi awa, kanjila, mu Mumuni oyo mbuli Mbwa kacita, a kukanana kuli mbabo nkaambo bakasyoma Mulumbe. Ngwa bulemu, tali Nguwe na? Sena mula Mu yanda? Mbangaye ba Mu yanda a moyo wanu oonse, a buntu bwanu boonse? Walo mubotu. Lino atwi imikile ku matende esu, mbuli mbo twiimba lwiimbo olo luboto lwakaindi ndo tu yanda toonse.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²²⁹ Oh, sa Tali mubotuloko? Mubotuloko! Lino, amuyeeye kuswaangana Bwatatu masiku. Elyo mpawo, ikuti na Mwami wayanda, Ndi nooli okuno Munsondo mutobela alubo, na Mwami wayanda. Amu tukombele mu mvwiki yoonse. Mbuli mbo tukotamika mitwe yesu lino mu mupailo, Ndila lomba Mukwesu Neville, mweembeli wesu, ikuti na inga waboola kukupa majwi amamanino ayo ngata mupe. 

61-1015E Ikulemeka
Branham Tabernacle
Jeffersonville, Indiana U.S.A.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org